



# Wantok



Namba 1897 Wan Wik Disemba 23, 2010 - Jenueri 5, 2011 Niuspepa Bilong Yumi Ol PNG Stret! **K1 tasol**

**M**eri Krismas na Hepi Niu Yia i go long olgeta ridas na ol bisnis haus husat i bin sapotim Wantok niuspepa long yia 2010. Lukim yupela gen long yia 2011 long moa sapot bilong yupela!! Wokim samting stret long dispela de bilong amamas!!  
**Lukim Krismas Spesol Saplimen insait...**

## Katolik Bisop: Krismas i taim bilong soim laik pasin

Paul Zuvani i raitim

LONG taim kantri i go insait long amamasim Betde bilong Ridima bilong mipela, Jisas Krai, stap bilong opis na wok bilong gavman i bruk nabaut.  
Tasol maski long dispela sindaun

yumi ken gat hop, opis bilong Katolik Bisop Konferens bilong Papua Niugini na Solomon Ailans i tok.  
Em i tok namba wan hevi long gavman em bihainim askim bilong Pablik Prosekyuta Praim Minista Se

Michael Somare i lusim sia na i sanap long sait long larim lidasip traibunel i kamap na mekim wok painim.  
Sam Abal na Memba bilong Wabag husat i Foren Afeas, Tred na

Imaigresen Minista i no longtaim i go pinis nau i kamap deputi praim minista na taim Se Michael i lusim sia i kamap ekting praim minista.  
Abal i kisim tu nupela ministri, Woks. **I go moa long pes 3**



AMAMASIM KRISMAS LONG PNG: OL PIPELI bilong Nesenel Kapitel Distrik i gat sans long lukim dispela danis grup bilong kantri Brasil, long Saut Amerika, i putim kamap ol stail danis bilong ol olsem Samba na Lambada long amamasim krismas insait long siti long ol ples olsem Jack Pidik Pak long 5 Mail na Lamana. NCDC Gavana Powes Parkop na Lamana Hotel i kisim dispela yangpela danis lain bilong Brasil i kam. *Poto: Nicky Bernard*

**Teksim Fevret Sta blo yu!**

Lukim EMTV displa Sunde long 6:30pm nait. Teksim nem lo sta yu laikim i go lo namba1699 na bai yu go insait lo laki dro we yu inap winim kes moni na fri kredit!

**Digicel stars**

**Digicel**  
Bikpela, Stronpela moa Netwok bilong PNG.

Digicel tems na kondisen istap insait

**OX & PALM BRAND**

**True Buli Bif Bilong PNG.**

**CORNED BEEF**

NET WEIGHT 340g



# Nesenel gayman tok orait long kamapim faiba kebel network

**N**ESANEL Eksekutiv Kaunsil (NEC) i tok orait long investim PNG LNG faiba optik kebel olsem wanpela hap bilong US\$60 milion (K157 milion) rolaut bilong brodben network we pablik inap kisim isi.

Kabinet kibung we Ekting Praim Minista Sam Abal, i bin sindaun long em long las wik Fraide, i tok orait long Independen Pablik Bisnis Koporesen (IPBC) long kisim dinau long US\$35 milion (K92 milion) long baim 41.67 pesen sea long PNG LNG faiba optik kebel.

Ol arapela poroman long PNG LNG faiba network i kisim Esso Hailans (33.33 pesen) olsem opereta long PNG LNG Projek, Oil Search (16.67 pesen) na long Sauten Hailans Provinsel Gavman (8.33 pesen).

IPBC i tingting long kamapim moa long US\$25 milion (K65 milion) long bungim wantaim PNG LNG faiba kebel i go insait long infrastraksa na kamapim ol narapela join long pinisim dispela brodben network.

Long taim bilong tokaut long dispela long NEC, Pablik Entaprais Minista, Arthur Somare, i tok PNG LNG faiba



SOMARE: Faiba kebel bai sapatim LNG wok.

optik tok orait i mas stap long lukim kamap bilong projek long pinis bilong dispela yia na bai redi bipo long ol manmeri i yusim long 2012.

Wantaim dispela em i tok em i bikpela samting tok orait bilong gavman i mas stap we dispela bai mekim IPBC i isi long investim US\$35 milion (K75 milion)

i go insait long PNG LNG faiba optik kebel na long painim ol arapela mani long painim mani na kamapim brodben network.

Minista Somare i tok kamap bilong dispela projek i soim mak bilong senis i kamap long ikonomi bilong mipela.

Dispela em i bikos long kamap bilong LNG projek kantri i redi long kamapim.

"Nesenel brodben bai sapatim gut wok bilong telekomyunikesen na bringim intanet i kam klostu long ol manmeri.

"Long wankain taim, sampela ol bikpela infrastraksa bilong trenspot sekta em gavman i wok long stretim nau, olsem wanpela i ken lukim long Hailans Haiwe na ol pris na ples balus," Mista Somare i tok.

Long stat bilong dispela yia long Nu Yok, Amerika, long taim gavman i pinisim mak bilong kamapim mani long mekim LNG Projek, Praim Minista Se Michael Somare i tok i gat planti sans PNG i ken kisim long strongim ikonomi bilong em.

"Projek i projek bilong senisim laip, bai mekim histori na senisim kantri."

Na long sapatim toktok bilong Gren

Sif, Mista Somare i tok pablik i no kamapim wantaim ol tingting long ol samting ol i harim o ritim long nius tasol i mas lukluk long ol samting we redi long strongim ikonomi bilong kantri long dispela taim.

"Long sabmisen bilong NEC, mi tok tingting bilong mipela long kamapim LNG projek yet i no inap tasol bungim wantaim ol arapela samting olsem faiba kebel dispela bai strongim tru laik i stap bilong kamapim dispela projek.

"Mipela i tingting long kamapim PNG Data kampani aninit long pablik-praivet patnasip we bai strongim komyunikesen network insait long kantri.

"Na wantaim dispela long helpim pablik long kisim isi intanet na daunim kos bilong sevis tu.

"Dispela bai strongim tu tingting bilong ol kampani we i save kamapim Intanet Sevis, bisnis komyuniti, edukesenel institusen na pablik wantaim," Somare i tok.

Kabinet i kisim tok olsem IPBC bai kamapim plen we taim i pinis bai tok-save long Kabinet long Julai, 2011 Palamen kibung.

# PNG i maining kantri

MASKI i gat planti toktok na amamas long kamap bilong Likufaid Nuturel Ges projek, PNG i stap yet olsem kantri bilong wok maining.

Dispela i kamap ples klia long taim Benk bilong Papua Niugini (BPNG) long namba tri kwata ripot bilong em i tok long 60 pesen mak bilong mani em i kisim i kam long maining sekta.

Na dispela i tru long wanem long dispela taim PNG i gat 9-pela maining kampani we sevenpela i mekim wok maining stret na salim gol.

Dispela 7-pela kampani em Ok Tedi, Porgera, Lihir, Simberi, Tolukuma, Sinivit na Harmony Gold.

Ramu Nikel i stap long laspela hap bilong wok kanstraksen na Kainantu

Main i stap aninit long sampela wok stretim.

Ok Tedi Main we i gat wok bilong kopa tasol i save i kamapim tu gol na silva olsem namba tu prodak, i save kamapim planti mani bilong gavman long wan wan yia.

Tasol ol arapela main i save kamapim gol tasol i save kamapim kopa olsem namba tu prodak bilong ol.

Nautilus Inc. Ltd i aplai long Maining Laisens long Solwara 1 projek, i go long Sifloa Mesiv Salfaid (SMS) deposit long si bed bilong Bismak Si.

Disposit long SMS i bikpela wantaim minarel bilong gol, kopa, silva, manganese, zink na nikel.

Sampela piksa bilong dispela ol ston i soim i gat olsem 15 pesen kopa, 15 pesen gol na 20 pesen zink.

Stap bilong mineral long dispela ol hap i planti moa long stap bilong mineral antap long graun.

Nautilus Ltd, kampani we i mekim wok maining aninit long solwara i tok em bai mekim moa wok painim long mineral aninit long solwara.

Ol arapela wok eksplorsen i wok long kamap we ol bai pinisim wok na stat salim ol mineral namel long 2012 na 2016.

Dispela ol projek em Frieda, Yandera na Wafi-Golpu.

Dispela em ol bikpela projek we bai bringim kopa olsem bikpela prodak na gol olsem sekendari prodak.

Wantaim dispela em ol arapela prodak olsem molibdenum, rhenium na dispela i stap long Yandera.

Bikpela namba bilong wok painim long ol mineral long graun na aninit long solwara i soim olsem planti bilong ol kampani i gat bilip long Papua Niugini.

Frazer Institut long 2008 i go long 2009 sevei ripot em i karimaut namel long 175 maining kantri long wol long ol lo bilong lukautim graun na hevi i kamap bilong toktok bilong sosel laip i tok PNG i namba wan kantri.

Gavman i gat gutpela ol polisi long



PNG i gat 9-pela maining kampani we sevenpela i mekim wok maining stret na salim gol.

wanem samting ol maining kampani i mas mekim taim ol i wok long ol projek.

Em i save kisim taim olsem 10 i go long 20 yia long mekim eksplorsen wok olsem Frieda projek i kisim 40 yia olgeta na olsem planti ol projek bai i no inap kamap hariap.

Wantaim helpim bilong EU MSSP SYSTEM inap long kamap wantaim ripot we i soim we ol maining

Dispela ol ripot i gat ol toktok bilong wok painim bilong ol mineral long Sentral Hailans, Sepik na Isten Hailans na Sauten Hailans na ol i stap long kos bilong US\$5,000 (K15,000).

## OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

### ORDER FORM

TITLE	ISBN	PRICE (w/ GST)	QTY	SUBTOTAL
PNG Tok Pisin English Dictionary	9780195551129	K38.50		

Recommended retail price is correct at the time of printing and is subject to change without notice.	TOTAL	K
	PLUS FREIGHT*	K
	GRAND TOTAL	K

\*Freight cost for one book:  
K5.00 across PNG  
K13.50 rest of Pacific  
K10.00 Solomon Is  
K17.50 rest of the world

#### Options for Payment

- 1) Direct deposit into Bank Account (details below)
- 2) Mail Cheque to Word Publishing Company Ltd, PO Box 1912, BOROKO, NCD.
- 3) Call into the office: Office 02, Section 58 Allomimil 03, Waigani Dr, NCD.

Account Name: Word Publishing Company Ltd  
Account Number: 100 000 5380  
Bank: Bank of South Pacific Ltd  
Branch: Commercial Centre  
Branch Code: 8951  
Swift Code: BOSPPCPM

FAX BACK TO : (675) 325 2579

If you are ordering more than one copy please contact us for a quote.  
Phone: (675) 325 2500  
Fax: (675) 325 2579  
Email: word@wantok.com.pg

Name (print): ..... Phone: .....

Address (print): .....

..... Fax: .....

Email: ..... Signature: .....



# Lowa: Long hambak, man i lusim gutpela sindaun

**KRISMAS 2010 i namba wan taim we mipela i gat ekting Gavana Jeneral, ekting Praim Minista, na Ekting Spika.**

Mi pre olsem dispela kain sindaun i no ken kamap gen.

Mipela inap long stap long las 35 kris-mas bikos long bilip bilong mipela long Jisas Kraus, Yunaited Sios Modereta Reveren Samson Lowa i tok long Kris-mas toktok bilong em.

Em i tok sampela taim nau hambak pasin i wok long kam insait long laip bilong mipela.

Em i tok long mipela i mas putim God i go pas, mipela i wok long lukluk long strong bilong mipela yet na putim mipela i go pas.

Tasol nau i taim mipela i mas lukluk bek na skelim wokabaut bilong mipela wantaim God.

Sapos mipela i no tingim God long wokabaut bilong mipela, nau i taim mipela i tok sori na larim God i go pas long laip na wok bilong mipela long 2011.

Mipela i mas luksave long wanem samting God i toktok long mipela olsem wanpela kantri long 2010 Krismas.

"Long mipela wanpela pikinini i kamap, long mipela wanpela pikinini man i kam, na gavman bai stap long sol bilong em.

"Ol bai kolim Gutpela, Saveman, Bikpela God, Papa bilong stap oltaim, na Prins bilong Bel isi," Asaia 9:6.

Long taim mipela i paul na wari, mipela i ting wari na bel hevi bilong mipela bai i no inap pinis.

Tasol mipela i ken lukim dispela tok na kisim strong long em: "God i stap wantaim yumi," na olsem i lukautim mipela.

Em i tok, "Kolim nem bilong mi long prea na bai mi bekim yu.

"Mi bai soim yu planti bikpela samting we yu no save yet (Jeremiah 33:3).

Gavman long laip bilong mipela, long famili, long praivet oganaisesen na long gavman bilong Papua Niugini i stap long han bilong em.

Kam yumi olgeta adorim em wantaim bel na bihainim lekmak bilong em long bilip bilong mipela long Holi Spirit.

Mipela olgeta i tokaut long samting i tru olsem kam bilong Kraus i bringim lait long kantri bilong mipela.

Yes em i tru, "Ol manmeri husat i stap long tudak i lukim bikpela lait, na ol lain husat i inap lus long Kingdom bilong God, em laik i kam pinis (Matyu 4:15-16).

Na olsem pikinini husat bai kamap olsem Ridima bilong mipela, i Mesaia, Jisas Kraus.

Aposel Jon i tok long Jisas olsem 'lait' (Jon 8:12).

Long taim bilong bikpela tudak, God i promis long salim lait i kam bai givim lait long olgeta lain manmeri husat i stap aninit long pawa bilong dai.

God husat i gutpela, i gat save na i bikpela God.

Dispela toktok i karim kaikai taim Jisas i kamdaun long graun moa long 2000 yia i go pinis.

Tude mipela tingim na amamas long dispela de God i

kamap man na i sevim mipela.

Mipela tenkyu long God long em i givim mipela dispela sans long go insait long Kingdom bilong em na i no lus long pawa bilong Satan.

Ol manmeri bilong Papua Niugini, yupela i gat bikpela God na Papa i stap oltaim oltaim.

Gutpela stap bilong kantri bilong mipela em ol lidaman i no soim rispek long em.

Tasol mipela i ken lukluk long Bikpela bilong yumi long kisim strong na save long samting mipela i mas mekim.

Em i lukautim ron bilong gavman bilong mipela long dispela taim.

Taim gavman i no ron gutpela em bikos mipela i no laik save long olgeta gutpela rot, maski i liklik, long mekim ol samting, Reveren Lowa i tok.

## Krismas em taim bilong soim laik pasin

### I kam long pes 1

Bihainim tu disisen bilong Kot long ileksen bilong Gavana Jeneral (GG) dispela opis nau i stap nating.

Gavman i no makim wanpela man stret long stap ekting long dispela ples.

Long pasin we i save kamap long kain stap olsem, Spika bilong Palamen i save kisim ples na stap ekting.

Sapos em i no stap, Sif Jastis bai stap ekting.

Dispela rot gavman i no bihainim na nau yet i wok long makim planti kain man long go mekim wok bilong GG long hap taim.

Dispela namba wan foapela bikpela opis bilong gavman nau i no stap gut na olsem planti man i stap ekting long em.

"Mipela long Papua Niugini nau i stap long marimari bilong God. Hop i no lus.

"Dispela long wanem i gat Kris-mas.

"Krismas em i taim God i kamap man.

"I olsem Jisas i Imanuel, God i stap wantaim yumi," (Mat 1:23).

"Krismas i taim bilong yumi save yumi gat hop," opis bilong Katolik Bisop i tok.

Em i tok long redi na amamasim Betde bilong Jisas, planti pilai amamas i kamap long Jack Pidik Pak long Mosbi.

Em i gutpela long lukim ol famili, moa long ol yangpela long ol go bung wantaim, singsing na pre.

"Mipela i amamas long tingting na pasin Nesenel Kapitel Distrik Gavana, Powes Parkop, i mekim long kamapim kain pilai na bung olsem.

"Krismas i taim bilong bung wantaim, ol famil, poroman, ol manmeri mipela i laikim na ol we mipela i no laikim.

"Tasol Krismas i taim bilong kisim bel isi na kamapim bel isi tu," Opis i tok.

Krismas i taim bilong olgeta lain manmeri, long manmeri i gat samting na long manmeri i nogat samting, long ol lapun na long ol yangpela, long ol husat ol i ting ol i stap gut na long ol lain husat i no bihainim gutpela laip.

"Sapos yu nogat gutpela haus long stap, lukim Jisas na laip bilong em olsem piksa bilong yu.

"Sapos yu nogat kaikai na i no malolo gut, lukim Maria na Josep olsem Holi Famili i piksa bilong yu.

"Maski planti taim ol i no kisim gutpela taim, laik bilong ol long wanpela na narapela i bikpela.

"Krismas i taim bilong laikim narapela.

"Sapos yu no laikim wanpela man o meri, nau i taim bilong yu long kisim bel isi, fogivim ol na soim laik bilong yu long ol.

"Long krismas mipela amamas wantaim laik pasin na soim dispela long narapela.

"Nau i taim bilong bung na amamas wantaim famili na ol poroman taim mipela i tingim Jisas i kam na givim dispela bel isi na amamas long mipela," Opis bilong Bisop i tok.

## ILLEGAL CHRISTMAS LIGHTS



## LEGAL CHRISTMAS LIGHTS



PNG POWER ADVISES THE GENERAL PUBLIC THAT THERE MAY BE PROHIBITED CHRISTMAS LIGHTS BEING SOLD.

THESE LIGHTS HAVE THIN INSULATIONS AND WRONG PLUGS AND CAN BE DANGEROUS.

ALWAYS BUY CHRISTMAS LIGHTS WITH THICK INSULATION AND STANDARD PLUGS.

ASK FOR A PNG POWER APPROVAL CERTIFICATE FOR THE CHRISTMAS LIGHTS FROM THE SHOP IF YOU HAVE ANY DOUBTS.



# KAMAPIM CHAMPION BLO YU!





# Abal 'holim stia'

## ... Somare sanap long sait

EKTING Prais Minista na Memba bilong Wabag, Sam Abal, i tok em inap long karimaut wok Prais Minista Se Michael Somare i givim long em.

Long tokaut long tingting bilong em, Mista Abal i tok em i daunim em yet long kisim dispela askim.

Na long taim Se Michael i sanap long sait long bekim askim bilong lidasip traibunel, Abal i tok em i redi na inap long ronim gavman long dispela taim.

Em i tok em i gat sapot long Kabinet we ol i gat save long mekim wok na em i no suruk long ronim dispela opis.

Em i tok em i rispektim Se Michael long lidasip bilong em, long em i kisim dispela askim long em.

Em i tok Se Michael i mekim bikpela hatwok long strongim demokratik sistem long kantri inap long dispela taim we em i tokaut long sanap long sait long larim lidasip traibunel i mekim wok bilong em.

"Mi daunim mi yet bipo long Se Michael long putim su bilong em. "Tasol mi no pret long wanem mi gat ol man (Kabinet) we i gat inap save long sapotim mi long lukautim dispela opis."

"Mi save olsem bikpela samt- ing kantri i laikim na ol investa i laikim em long stabiliti long gavman.

Em i tok namba wan samt- ing em bai mekim long 2011 em long karimaut 2011 Nesanel Baset.

Em i tok olgeta opis i mas stat long karimaut 2011 Mani Plen long Januari yet.

"Larim mi mekim klia olsem i gat stabiliti long gavman na gavman i sanap strong.

Abal i kamap Ekting Prais Minista long taim Se Se Michael i sanap long sait long kamap bilong lidasip Traibunel long bekim ol sut tok i go long em long i no givim ripot bilong mani i go long opis bilong Ombudsmen Komisen long las 10-pela kris- mas.

Aninit long lo, olgeta lidaman i

mas givim ripot bilong mani ol i yusim long olgeta yia.

Komisen i tok Se Michael i no bin mekim olsem na traibunel i mas kamap na mekim wok painim long em.

Long pasin Se Michael i mekim Lida bilong Oposisen, Se Mekere Morauta i tok em i gut- pela Se Michael i sanap long sait.

Em i tok ol manmeri i mas save olsem Se Michael i nogat asua inap long kot i painim em i gat asua.

Wanpela rot i stap bilong Se Michael i soim em i no mekim asua em long kamap bilong traibunel.

Ol arapela bikpela samt- ing i kamap long politik long 2010 em:

PALAMEN i askim Se Paulias Matane long putim han olsem kendidet bilong em long resis long GG sia;

SUPRIM Kot i tok ileksen bilong Se Paulias Matane olsem Gavana Jeneral long Mas i gat asua;



ABAL: Mi gat inap sapot

SUPRIM Kot i askim Palamen long kibung insait long 20 de na ilektim nu- pela GG

GAVMAN kamapim 2011 K9.3 bilion Mani Plen;

SE Puka Temu i bin kisim sampela Nesanel Alaiens Pati memba na lusim pati na bungim wantaim Oposisen long kamapim nupela gavman long Julai;

### Mekere: Hauskuk Kabinet pret

OPOSIEN Lida Rait Honorabel Se Mekere Morauta i tok Spika bilong Nesanel Palamen na Lida bilong Gavman Bisnis i brukim gen Mama Lo.

Ol i no moa laik lukim Palamen i in- apim namba bilong ol de bilong ki- bung bilong em olsem 63 long wanpela yia.

"Mi bai hariap long kisim tingting bi- long lo long pait agensim dispela di- sisen long kot.

"Dispela mosen we lida bilong Gavman Bisnis Paul Tiensten i kamapim na Spika Jeffery Nape i tok orait long em i brukim Mama Lo.

"Em i go agens long olgeta tok bi- long stap bilong demokratik gavman.

"Disisen i kamap tude (Trinde 21 Julai) i bilong abrusim ol toktok bilong kamap bilong Vot i Nogat Bilip long gavman.

"Em i soim kain gavman we i wari tru long holim opis yet bikos em i holim planti samt- ing bilong em yet na i no laik long lusim.

"Disisen i no brukim Mama Lo tasol long wankain taim i brukim Palamen- tari Standing Oda.

"Spika i mekim disisen bihainim nek em i harim na i no mekim vot tru.

"Oposisen i askim long divisen na Spika i mas bihainim tasol em i no bi- hainim.

"Kain pasin i soim olsem gavman em Nesanel Alains i go pas i bagarap pinis," Se Mekere i tok.

Em i tok dispela gavman i laik lukim olsem fridom bilong ol manmeri long toktok, long mekim protes mas em gavman i pasim.

Em i tok nau em i taim ol manmeri laikim lukim gavman bilong Somare i tokaut long ol asua em i mekim.

Pastaim long dispela disisen i kamap, Oposisen i givim toksave i go long Mista Nape long kamapim Vot i Nogat Bilip long gavman.

Dispela mosen em Deputi Opo- sisen Lida Bart Philemon i kamapim na Vanimo Green Memba na bipo Fores Minista na nau Oposisen Memba Belden Namah i sekendim.

Ol i mekim kamapim dispela mosen bai Spika i tok orait long stap 7-pela de pastaim olsem Palamentari Stand- ing Oda i tok long em bipo long ol Memba i vot long em.

Tasol dispela i no kamap bikos



MEKERE: Yumi traime bun pastaim!

Spika Nape i tok orait long tingting bi- long surukim palamen kibung i go long Novemba.

Dispela disisen i no givim taim long Oposisen long karimaut tingting bilong ol.

Oposisen i tokaut long dispela ol as long kamapim Vot i Nogat Bilip long gavman:

PRAIM Minista (PM) yet i brukim ol lo. Difens Bod bilong Inkwaeri i wan- pela bilong em;

PM i pasim wok bilong Ombuds- men Komisen bihain long Komisen i askim em long em i mas givim ripot bi- long mani em i yusim long wan wan ol yia;

EM i no kamapim wok painim long hevi bilong mani i pas wantaim sam- pela ol opisa na Memba bilong Taiwan Gavman;

I NO kamapim wok painim long hevi i pas long mani long wok bilong timba long Singapo;

I NO bihainim ol askim bilong Pab- lik Akauns Komiti bihainim long ol wok painim bilong komiti;

I NO mekim wok painim i go insait long ol akaun long Helt, Edukesen na Agrikalsa;

I LARIM pasin bilong suvim man long bihainim laik bilong narapela i kamap long taim Gavman i sainim Benefit Searing Agrimen (BSA) wan- taim ol developa na papagraun long wok bilong ges;

I NO soim rispek bilong em long Palamen taim em i no save kamap long ol kibung;

I GIAMAN long tok em i no save olsem em i gat ol sea holda long Pasi- fik Rejistri bilong ol Sip komiti na long ol wok bod i mekim na

PM i nogat tingting long lukautim ol manmeri. Em i go pas long wanpela gavman i pulap long ol pasin nogut.

Tasol long bekim Se Michael i tok Palamen i no brukim wanpela lo taim em i no bungim 63 de bilong ol ki- bung.

Em i tok lo long Palamen i tok Pala- men bai holim ol kibung inap long 63 de.

Se Michael i tok sapos wanpela i bi- hainim ol de we Palamen i holim ol ki- bung long wanpela wik dispela bai lukim Palamen i holim kibung long foapela de tasol.

"Sori toktok bilong Palamen i holim kibung long 63 de i toktok i stap long No Man's Len."

"Wanpela wik i gat 7-pela de. Na long dispela Palamen i holim kibung long Tunde i go long Fraide."

"Sapos wanpela i kaunim namba bi- long ol de long namba bilong ol wik we Palamen i holim kibung em bai painim olsem namba i sot long 63 em Mama Lo i toktok long em," Se Michael i tok.

# STRONGPELA WOKMAN SU



NUBUCK - 6" LACE UP SUEDE LEATHER



EXPLORER - 8" LACE UP BROWN KIP LEATHER



- ✓ DUAL DENSITY POLYURETHANE RUBBER SOLE FOR EXTRA COMFORT AND INCREASED WEAR
- ✓ LIGHTWEIGHT
- ✓ PORONLINER SOLES FOR EXCEPTIONAL COMFORT
- ✓ WIDE STEEL TOE CAPS
- ✓ FULL LENGTH TONGUE
- ✓ CERTIFIED TO AS/NZS 2210.3
- ✓ OIL & HEAT RESISTANT SOLE
- ✓ PADDED COLLARS

BRUT - SLIP ON

# BISHOP BROTHERS

everything for industry...



EMAIL: sales@bishopbros.com.pg

WEBSITE: www.bishopbros.com.pg

# Abal askim long stap isi: no amamas long giaman

EKTING Praim Minista Sam Abal long las wik Fraide i askim ol manmeri long stap isi na no mekim nabaut bikos long ol toktok bilong Se Michael Somare i dai.

Em i tok dispela ol giaman tok long wanem Se Michael i stap orait na long dispela moning i tok gut long Abal na i tok nogat long dispela ol tok.

Mista Abal i tok ol kain giaman tok long Se Michael i dai i kamap bilong bagarapim gutpela nem bilong Se Michael tasol.

Na husat manmeri i kamapim kain tok sapos polis i painim bai holim pasim na givim bikpela mekimsave.

“Mi askim olgeta Papua Niugini manmeri long stap isi na pre long Se Michael, husat i Gren Sif na i papa bilong dispela kantri.

“Mi bai lukim olsem bai mas gat wok painim long kisim dispela ol giaman manmeri,” Abal i tok.

Em i tok ol manmeri husat i kamapim dispela ol giaman tok i mas pinis long mekim olsem na husat manmeri i laik bagarapim ol samting i mas pinis long mekim olsem tu.

“Mi orait na stap gut. Mi askim dispela ol manmeri husat i kamapim dispela ol tok giaman long ol i mas pinis long mekim olsem.

“Mi orait, mi nogat wanpela hevi. Na olsem yu ken lukim, mi stap yah.

“Mi tok orait long sanap long sait long larim wok painim i kamap olsem nem bilong mi i ken kamap gut gen.

“Mi nogat asua, em olsem hevi i stap long mi no givim ripot long ol hap mi yusim mani.

“Mi makim Honorabel Abal long kamap olsem ekting praim minista long skruim ol wok bilong praim minista.

“Em bai mekim dispela ol samting long taim mi wet long kliam nem bilong mi.

“Mi askim olgeta Papua Niugini long stap isi long dispela taim bilong krismas na amamas gut wantaim famili bilong ol,” Se Michael i tok.

## 8-pela eksploresen projek i redi long kamap

EITPELA eksploresen projek i redi nau long kamapim wok bihain long nu yia o long 2012 na go.

Mineral Risoses Atoriti (MRA), opis we i lukautim wok bilong maining na ol kampani i mekim wok maining olsem dispela ol maining arere long LNG projek, taim Ok Tedi i pinisim wok long 2013, bai strongim ikonomi bilong kantri.

Dispela ol 8-pela kampani em Wafi Golpu, Frieda Riva projek, Yandera, Solwara 1, Woodlark Main, Wowo Gap, Mt Nakru, Simuku/Talelemus na Kreta Maunten projek.

Wafi, Yandera na Frieda Riva projek i pinisim pri-fisibiliti stadi na Envaironmental Impek Stetmen (EIS), na nau i stap long Defintiv na Fainel Fisibiliti mak.

Ol arapela kampani i pinisim skoping na i sabmitim pri-fisibiliti bilong ol na i go insait long mekim wok bilong fisibiliti.

Fisibiliti stadi ripot i gat rekot bilong olgeta samting we i kisim teknikal na ikonomik vaiabiliti, rot bilong wok maining (sapos ol i open o andagraun) na stretim, kamapim mani, kamapim Envaironmental Menesmen Plen, wok bilong ol na arapela samting.

Aninit long Maining Ekt 1992 dispela ol ripot i stap long wan wan ol hap we MRA na MAC bai glasim.

Laip bilong ol maining kampani i gat ol hap olsem eksploresen, fisibiliti, aprovel, konstraksen, prodaksen na operesen, dikoisen na rihabilitesen, pos monitoring na relinguismen.

# Mul pipel lusim gutpela lida man

.....gavman sistem bagarapim em

### JAMES KILA i raitim

**OL MUL pipel insait long Gumine distrik long Simbu provins nau i stap wantaim bikpela sore na wari stret bihain long dai bilong wanpela gutpela lida man bilong ol, Bernard Bol Wemin, husat i bin dai long Mosbi long Sarere, Disemba 11.**

Leit Mista Wemin i bin wok pastaim olsem wanpela na tu i memba bilong Simbu Provinsal Asembli. Em i bin wok olsem provin-sal Edukesin Minista long 1993.

Tasol taim bilong em long wok olsem minista i bin sot bihain long Nesele Gavman i bin kamapim provin-sal na lokal level gavman rifom long 1995, we i lukim ol foma Memba bilong Provinsal Gavman (MPA) i lusim sia bilong ol na Mista Wemin em wanpela long ol.

Bihain long gavman rifom i bin kamap, Mista Wemin i bin go stap sait-lain na gavman i no givim em mani long wok bilong em olsem MPA. Olsem na turangu i kisim balus na go long Mosbi long sekim gavman long peim sevis em i givim olsem MPA na minista.

Mista Wemin weit long-



Lida man Bernard Bol Wemin, i wetim gavman long-pela taim na i dai.

pela taim tru long tripela yia peii bilong en i go na turangu i lusim laip bilong em long narapela ples olgeta em Mosbi.

Dispela kain pasin gavman i mekim long i no peim ol wokman bilong Provinsal Asembli em planti ol lain tu i bungim insait long kantri. Ol lain olsem ol kaunsila, mejistret na viles polis-man husat i givim sevis bilong ol i go long pablik, tasol gavman i no tingim ol.

Gavman i lus tingting tru long lain hatwok man

olsem Mista Wemin, na gavman i lukluk tasol long intares bilong ol nesenel MPs long Waigani, husat i vot long apim pei bilong ol bikpela tru, na i mauswara tasol long peim ol foma pablik sevans olsem Mista Wemin.

Mista Wemin, husat i dai insait long 60-krismas em wanpela lida husat sevis bilong em olsem hetmasta em smat tru. Em i save sanap strong long lukim olsem ol sumatin i skul gut na kisim gutpela edukesin.

Em i sanap strong tru long lukim rifom i go het gut insait long ol skul long Simbu provins.

Ol lain wan pisin bilong leit Mista Wemin olsem John Mol, Clement Kaupa, Dokta Kenneth Maima i askim Nesenel Gavman long luksave long lain man olsem Bol Wemin na peim ol sevis ol i givim.

Dokta Kenneth Maima i tok olsem: “Mista Wemin i dai taim em i wok long wet long gavman i peim em long sevis em i givim long kantri bilong yumi.

“Tasol sori tru, i gat planti ol olupela Memba bilong Provinsal Asembli (MPA) olsem Mista Wemin i save bihainim mani bilong ol i kam long Mosbi. Tasol ol lain pablik sevan long Waigani i save mekim kain kain toktok paulim ol stret na turangu ol i save wet nating.

“Long sait bilong leit Mista Wemin, turangu i bin kam long Mosbi long 2007, na em i dai bihain long em i wet inap klostu 5-pela yia”

Dokta Maima i tok olsem leit Mista Wemin i sevim kantri bilong em wantaim ona olsem tisa long 17-pela yia na tupela yia olsem MPA.

## Kokopo Maket nogat mani long stretim dinau

...Tasol Tammur na Dion I givim helpim

### Michael Novingu i raitim

KOKOPO Maket long Is Nu Briten Provins i nogat mani long peim ol lain i givim sevis long ol long karimaut wok bilong ol.

Bipo Kokopo Vunamami Lokol Level Gavman (LLG) i lukautim wok bilong ronim Kokopo maket i gat samting olsem K1milion dinau long peim ol bisnis haus, narapela lain i givim sevis long ol. Deputi bosman bilong Kokopo Taun Atoriti, Peter Lulua, i tokaut olsem wok lukaut bilong Kokopo maket ol i rausim long han bilong Kokopo Vunamami LLG i go bek long Is Niu Briten Provinsal Gavman bikos LLG i nogat mani long peim ol kastoma we i givim sevis i go long ol. Bosman bilong Kokopo Taun Atoriti, Albert Buanga, tu i tokaut olsem LLG

i no lukautim gut wok bilong Kokopo Maket Atoriti long peim ol dinau bilong ol.

Mista Buanga i tok em i go pas nau long painim mani long peim ol dinau we Kokopo Maket i mekim long en. Em i tok ol i mas peim ol dinau Kokopo maket i mekim long karimaut wok bilong ol long givim sevis i go long ol pipel bilong Is Nu Briten provins.

Mista Buanga i tok ol i pasim Rapinolo ples bilong toromoim pipia we nau i lukim ol pipia ol i karim i go long Rabaul i kamapim hevi long sait bilong kisim piul na peim ol kar long karim pipia karim i go.

Em i tok em i givim pepa wok long mani mak inap long K800, 000.00 long Is Nu Briten Provinsal Gavman long helpim ol long peim dinau bilong

ol.

Long las wik, memba bilong Kokopo na Minista bilong Komyunikesen, Patrick Tammur, i harim krai bilong ol na i givim K500 ,000.00 long helpim Kokopo Maket Atoriti long peim ol dinau bilong ol. Dispela mani bai helpim ol long peim dinau bilong ol, Mista Buanga i tok.

Gavana bilong Is Nu Britan Provins, Leo Dion tu i givim K300,000.00 las wik bihain long em i harim krai bilong ol long peim ol dinau bilong ol.

Mista Tamur taim em i givim K500,000.00 i singaut tu long ol arapela memba bilong Is Nu Britan long givim mani i go long Kokopo Maket Atoriti long peim ol dinau bilong ol long karimaut wok bilong lukautim maket long givim sevis i go long ol manmeri long Is Niu Briten.



# Helt sekta gat bikpela wok yet long givim gutpela sevis

## ...PMC no inap helpim ol liklik pipel

Veronica Hatutasi i raitim

**PASIFIK MEDIKOL SENTA (PMC): WANPELA bikpela samting long helt sekta we ol bikman long Helt Dipatmen, gavman, praivet sekta na pablik i bin paitim ol tok-tok long en long dispela yia em Pasifik Medikol Senta (PMC) we dipatmen aninit long Helt Minista, Sasa Zibe, i laik kamapim long kantri.**

Dispela PMC haus sik em Minista Zibe i laikim bai kamap long Bautama, Sentrel provins bai kamap olsem "supa haus sik" na bai gat olgeta samting long helpim ol siklain we long nau, ol i wok long go ovasis long kisim dispela sevis bikos i nogat long PNG yet.

Aninit long K14.7 bilion manimak 10-pela yia 2011-2020 Nesenel Helt Plen we dipatmen i bin lonsim long mun Oktoba long dispela yia, PMC i wanpela long ol projek i stap insait long dispela plen.

Tasol planti tok agensim i kamap long planti pipel i gat long em ol bikman, praivet sekta lain na jenerel pablik long plen bilong Minista Zibe bikos planti ol haus sik long ol rurel na eben senta i bagarap, i nogat marasin, i bruk daun na ol wok manmeri i nogat gutpela haus bilong stap long en na mekim wok. Na gavman i mas stretim ol haus sik, helt senta na etpos i stap pinis pastaim bipo em i tingting long mekim nupela wan we bai tromoim bikpela mani long en. Tu, dispela PMC i no inap long sevim ol liklik manmeri bikos bai kostim bikpela mani long kisim sevis. Na em bai haus sik bilong ol bikman na ol maniman.

Wanpela opisa i wok long opis bilong praim minista taim em i givim tingting bilong em long PMC i tok praim minista bai rausim disisen bilong kamapim PMC we Helt Minista i plen long kamapim long wanem, em i pasim tingting bilong gavman long kamapim gutpela helt sevis i go long ol manmeri bilong kantri.

Opisa i tok Minista Zibe i gat save long planti ol haus sik na helt senta long kantri i stap long bikpela hevi tasol em i kamap wantaim narapela tingting.

Em i tok kain tingting i no stret na olsem, ol bai etvaisim praim minista na Nesenel Eksekutiv Kaunsel (NEC) long rausim dispela tingting.

Biknem dokta long kantri, Dokta Glen Mola, insait long wanpela bung toktok long Nesenel Risets Institut (NRI) i bin tok, kamap bilong dispela PMC haus sik i no inap stretim ol etpos na ol haus sik long kantri. Na i no inap long helpim gavman long baim marasin long ol manmeri. Tu, dispela haus sik i bihainim tingting bilong wanpela man na i no bilong Helt Dipatmen. Skruim i go moa, kamapim PMC i tingting bilong wanpela praivet man long Amerika em minista i askim gavman long yusim PNG mani long sanapim. Tu, stap na ol rum insait long PMC bai olsem ol bikpela hotel long Mosbi olsem Crowne Plaza na i no bilong ol liklik manmeri, tasol bilong ol lain i gat mani. Olsem na jenerel pablik bai nogat sans long kisim sevis long en. Olsem na Dokta Mola i askim gavman olsem em i mas rausim dispela tingting.

Tasol long bekim ol toktok, Deputi Helt Sekreteri em Dokta Paisan Dakulala i tok tingting long kamapim dispela haus sik em long strongim helt sekta na givim gutpela helt sevis long ol manmeri. Em i tok NEC i wokim pinis disisen na ol i bihainim tasol.



Nesenel Helt Plen lons

Nesenel Helt Plen i gat long en K14.3 bilion long mekim ol wok we ol bin lonsim long dispela yia em i wanpela bikpela samting Helt Dipatmen i bin kamapim long givim stia long rot we Helt Dipatmen i ron long em, stat yet long neks yia 2010 inap long yia 2020.

Insait long wanpela woksop we Helt Dipatmen i bin holim long Madang long glasim dispela nupela Nesenel Helt Plen 2011-2020, Madang Gavana Se Arnold Amet i bin salensim Helt Dipatmen long nupela helt plen long go hetim plen taim plen bilong pastaim i feil long etresim helt sistem i wok long stap long hevi.

"Helt i wok bilong yumi olgeta," Se Arnold i wokim wankain tok olsem Helt na HIV/AIDS Min ista, Sasa Zibe, taim em bin opim namba wan woksop long go hetim nesenel helt plen ol bin holim long Madang long mun Oktoba long dispela yia.

"Tasol mi pret olsem planti long yumi i save tromoim toktok nating long dispela hap tok." Se Arnold i bin tok taim em i glasim helt sevis long kantri i no ron gut tumas.

**MILENIUM DEVELOPMEN GOLS (MDG):** Long wankain taim tu, ol wol lida i lukim olsem maski wol i bungim hevi long mani, sampela wok go het i bin kamap long daunim turangu pasin, moa pikinini i gat sans long go skul, helt bilong ol mama na pikinini i wok long kamap gut long planti kantri na olsem, ol lida i lukim olsem ol kantri i ken inapim ol 8-pela gol.

Long Yunaitet Nesens (UN) bung i bin kamap long Nu Yok long mun Septemba long dispela yia, ol wol lida i bin kamapim globol eksen plen long inapim 8-pela egensim pasin bilong turangu gol long inapim 2015 taget. Na ol i tokaut long nupela na bikpela komitmen long kamapim gut helt bilong ol meri na pikinini na tu, ol narapela samting long daunim turan gu, hangere na ol sik.

Komitmen i stap long dokumen, "Noken lusim tingting long promis: Wok bung wan taim long inapim ol Milenium Developmen Gols".

Ol bin painim olsem planti ol kantri i wok long develop yet i painim hat yet long inapim ol dispela gol ol i kolim long Milenium Developmen Gol (MDG) kam yia 2015.

PNG i wanpela long ol kantri we bai no inapim ol MDG kam yia 2015 tasol yumi mas wok hat long stretim sampela samting insait

long yumi yet na helt sistem bilong yumi, Helt Sekreteri Dokta Clement Malau i tok.

Maski PNG i gat planti samting olsem ol naturel risos, maining, wel na ges, helt bilong ol manmeri na pikinini skelim wantaim Pasifik rijen na wol i no gutpela. Na long olgeta yia long ol wol na Pasifik rijinel ripot long helt bilong ol mama na ol pikinini, hamas ol pikinini krismas bilong ol i stap aninit long 5-pela yia i save dai olgeta yia (infant mortality) na ol mama i save dai taim ol i karim pikinini (maternal mortality rate), mak na piksa bilong PNG i save nogut. Sapos PNG i daunim korapsen na putim mani long ol eria we i gat bikpela nit long ol, kantri bai lukim sampela gutpela senis.

Yunaitet Nesens Fan bilong ol Pikinini (UNICEF), Yunaitet Nesens Developmen Fan (UNDP), Wol Helt Ogenaisesen (WHO) na ol narapela patna olsem AUSAID na Nu Silan AID na ol dona ejensi, ol NGO na ol sios i wok wantaim Nesenel Helt Dipatmen na PNG gavman long ol program, awenes na ol projek bilong kamapim gut helt bilong ol mama ba pikinini.

**AIDS,** malaria na sik TB em tripela long planti ol bikpela sik i daunim planti pipel long PNG olgeta yia. Na mak bilong ol dispela sik i wok long go antap olgeta yia, maski gavman, ol patna na dona ejensi i wok hat long daunim ol dispela sik.

Tasol dispela i no min olsem Helt Dipatmen na Nesenel Gavman, ol patna na ol dona ejens, ol NGO na ol sios i givap, nogat. Ol i skruim wok i go moa yet long kamapim gut mak long helt bilong ol mama na pikinini insait long PNG na sevim moa laip.

**MANI SOT:** Sot long mani na ol masin na ol narapela samting bilong helpim ol dokta na nes long mekim wok, ol haus sik na helt senta i no kisim ol marasin saplai long taim stret, nogat dokta long ol rurel eria em sampela ol hevi PNG i gat long en we i save kamapim hevi long nesenel helt bilong em. Antap long ol dispela, ol dokta na nes i save holim ol stop wok taim dipatmen na gavman i no stetim ol pe na alauwens bilong ol.

### DIPATMEN KISIM KLOSTU K334 MILION

Tasol long dispela yia, Helt Dipatmen I kisim manimak long K333,503,400 milion long 2011 nesenel baset o mani plen na em I mas yusim gut dispela mani long mekim ol

wok kamap.

Haus sik Menesmen Sevis I kisim moa long K10 milion long karimaut ol wok tu. Tasol wantaim ol dispela manimak, I moa-beta long dipatmen na ol bikman I skelim gut ol man na tilim I go long ol provinsel haus sik long karimaut gut ol wok na kamapim gut helt sevis we nau I wok long bagarap.

PNG i mas kamapim gut infomesen sek-sen na tu, eria bilong gutpela gavanens.

Tu, sekta (Helt) i mas strongim helt sistem bilong em na moa yet, long wok wantaim ol Sif Eksekutiv Opisa (CEO) long provinsel na distrik level bai lukim olsem wok i ron gut long kisim sevis i go long pipel insait long ol komyuniti na ples.

Helt Sekreteri, Dokta Clement Malau i tok sampela wok go het i kamap olsem demogrefik helt sevei i soim, tasol yumi mas kamapim gut na strongim infomesen sistem bilong yumi long kamapim ol stretpela ripot bilong wanem, sampela ripot i no wankain.

Em i tok HIV/AIDS em i wanpela long ol MDG tasol sampela wok go het i kamap long sait bilong Volunteri Kaunseling na Testing (VCT) taim moa pipel i go kisim ol tes.

**SALENS LONG SIK KOLERA, TBNA LAIPSTAIL SIK:** Salens i stap long sait bilong sik TB we sik i wok long go bikpela na sampela marasin i no wok gut long wanem, ol siklain i no bihainim ol taim stret long kisim marasin. Tu ol laipstail sik, kolera i kamap bikpela long kantri we i singautim yumi long lainim na mekim ol besik o liklik samting olsem wasim han bihain long yusim toilet na tu, bipo long kaikai o redim kaikai, long stap helti.

Insait long Nesenel Kapitel Distrik (NCD) long dispela yia, sik kolera i bin kamap long mun Eprel na inap nau, em bin kilim dai 5-pela pipel. Moa long 3,000 pipel i bin kisim dispela sik na go long haus sik long kisim marasin. Nau, sik i slek tasol askim i go long pablik long NCD long lukautim ol yet gut long helt na sefti bilong ol bikos planti woklain long haus sik na ol klinik insait long siti bai go long Krismas malolo bilong ol. Nau sik i kamap strong long Daru insait long Westen provins.

Laipstail sik i wok long go bikpela long PNG na tu, ol birua long kar we i wok long kilim dai planti yangpela save lain na ol narapela pipel bilong yumi.

Bikos long laipstail sik I wok long go bikpela long kantri, PNG Medikel Simposium i bin glasim ol laipstail sik olsem hat o lewa bilong man i stop na wantaim nogat save, man i dai hariap tasol, sik suga, man i go patpela tumas, kensa na moa.

Ol sik i kamap bikos pipel i kaikaim planti ol stoa kaikai ol i wokim long fektori. Na ol planti PNG lain i stap long taun em ol dispela stoa na tin kaikai em i kamap olsem kaikai bilong ol olgeta de. Narapela samting tu i kontribut long pipel i kisim ol laipstail sik em smok we planti yangpela pipel i kisim tu, wari na dring bia. Bikpela samting em pipel I mas senisim pasin na tingim laip, helt na gutpela sindaun bilong ol na ol wok developmen long kantri I ken go gut wantaim helti pipel.

**GUTPELA AMAMAS BILONG KRISMAS NA NUPELA YIA I PONDAUN ANTAP LONGB YUPELA OLGETA OL WANTOK RIDA.**

## PNG's Nambawan Mackerel



It's Better, It's Besta!



# Ol meri no amamas long Bil bilong 22 risev sit

Veronica Hatutasi i raitim

**YIA 2010 i stap nau long arere na nupela yia 2011 i klostu pundaun nau. Tasol i gat sampela ol wok go het, senis o gutpela samting i kamap long sait bilong ol mama, ol bubu meri, ol susa, ol kandere meri na ol meri bilong yumi?**

Glasim dispela askim, yumi ken tok olsem yes, sampela senis na wok go het i bin kamap long sait bilong ol meri, tasol bikpela samting we ol meri i laikim i no bin kamap. Dispela em long Palamen i tok oraitim Bil bilong putim 22 meri i go long Palamen long 2012 PNG nesenel ileksen.

Stat yet long tupela yia i go pinis, ol meri long dispela kantri i laikim bai mas gat moa meri makim ol long Palamen. Maski kaunim bilong ol meri long kantri em i hafkam long populesen, PNG Palamen i gat wanpela meri memba tasol. Nau moa meri long PNG i wok long kisim gutpela skul na tingting bilong ol i op na olsem ol narapela kantri long wol, ol i luk-save olsem humen rait, ikwaliti o man na meri i mas sanap long wanpela level na wok bung wantaim long kamapim ol wok long go hetim kantri, stopim pasin bilong paifim na mekim nogut long ol meri na ol arapela sosel isu moa.

Olsem na ol meri wantaim go pas bilong wanpela meri memba tasol na Komyuniti Dvelopmen Minista, Dame Carol Kidu, i wok long gat strongpela tingting olsem Palamen bai tok oraitim Bil. Tasol nogat, Palamen wantaim ol kain politik bilong ol i no bin lukluk long risev meri Bil na tok ol bai wet 6-pela mun tai mol i malolo inap long mun Me 2011. Ol meri i no amamas bikos planti bilong ol i bin kam long Mosbi long ol narapela provins bilong soim sapot taim Palamen i givim vot bilong ol long Bil na i kamap lo.

Praim Minista Se Michael Somare i sapotim dispela Bil tu, wantaim ol sampela narapela Palamen memba. "I gat bikpela nit long nek (voice) bilong ol meri i mas stap long Palamen na dispela 22 sit Bil em sans ol meri long PNG i gat long en. Mi gat bilip olsem bai Bil i kisim sapot long ol memba." Dame Carol i bin tok long TokBek Program bilong FM100 long mun Novemba long dispela yia.

Risev Sit i narakain long Nominetet Sit we ol bin kenselim pinis. Long Risev Sit, ol bai givim vot na sapos ol meri long Risev Sit i win, ol bai kamap memba. Na pipel yet bai makim ol.

Rot long Risev Sit i wok long en em bai kamapim tupela memba long provinsel ilektoret.

Wanpela em meri taim narapela em gavana bai makim provinsel sit i stap long dispela taim. Meri memba i makim provins, tasol em i no inap kamap gavana. Tasol em i makim olgeta pipel long provins na em i sindaun long Palamen na provinsel asembli. Em i ken etministreta o siapesen long Palamerenti Komiti.

Pastaim Foren Afeas Minista na nau Ekting Praim Minista, Sam Abal, i sapotim Bil tu na em bin mekim singaut i go long ol Palamen memba long sapotim Bil taim Palamen i glasim.

Mista Abal i bin tok i gat sampela gutpela poin ol meri i gat we ol i ken yusim long taim bilong

mekim ol disisen long Palamen.

Em bin tok ol manmeri long kantri i no save votim ol meri, maski ol meri kendidet i go planti. Na olsem nau, Palamen yet i mas vot long Bil bilong risev sit.

Em bin tok Palamen i gat wok long mekim long putim ol meri long Palamen, tasol em i laikim bai risev sit i mas stap long tripela tem o 15 yia na bihain, rausim. Na dispela bai givim inap taim long pablik long glasim ol wok bilong ol meri memba na ol i ken givim vot long husat ol i laikim.

Wanpela long ol samting we i bin kisim planti luksave long PNG long dispela yia em Mis Saut Pasifik Kwin i bin kam long Mosbi las mun.

Rachael Sapery James i bin makim PNG wantaim narapela 10-pela kwin bilong ol 10-pela Pasifik Ailan kantri i bin stap insait long resis.

Em bin namba wan taim long PNG i lukautim dispela kain resis tasol em bin pulim ai taim ol yangpela meri kwin bilong Pasifik i raun na mekim wok bilong ol long wanpela wik long ol wan wan ogenaiesen na haus. Long ol wanw an eria ol i resis long em, ol meri i bin soim trupela kala bilong ol long makim ol wan wan kantri bilong ol. Tasol Mis Kuk (Cook) Ailan i bin winim dispela resis.

Long ol narapela eria, sampela meri i bin kisim luksave long ol wok ol i mekim long nesenel, provinsel na distrik level na ol i kisim ol awot o luksave.

Wanpela em long meri Madang i mekim histri long PNG Difens Fos (PNGDF) long dispela mun taim em i kamap Protokol Opisa o Aide De Camps (ADC), long Komanda bilong Fos, Brigidia Francis Agwi.

Kapten Jacqueline Lilih bilong ples Ulingan long Bogia, Madang ol narapela provins bilong soim sapot taim Palamen i givim vot bilong ol long Bil na i kamap lo. Praim Minista Se Michael Somare i sapotim dispela Bil tu, wantaim ol sampela narapela Palamen memba. "I gat bikpela nit long nek (voice) bilong ol meri i mas stap long Palamen na dispela 22 sit Bil em sans ol meri long PNG i gat long en. Mi gat bilip olsem bai Bil i kisim sapot long ol memba." Dame Carol i bin tok long TokBek Program bilong FM100 long mun Novemba long dispela yia.

Risev Sit i narakain long Nominetet Sit we ol bin kenselim pinis. Long Risev Sit, ol bai givim vot na sapos ol meri long Risev Sit i win, ol bai kamap memba. Na pipel yet bai makim ol.

Rot long Risev Sit i wok long en em bai kamapim tupela memba long provinsel ilektoret.

Wanpela em meri taim narapela em gavana bai makim provinsel sit i stap long dispela taim. Meri memba i makim provins, tasol em i no inap kamap gavana. Tasol em i makim olgeta pipel long provins na em i sindaun long Palamen na provinsel asembli. Em i ken etministreta o siapesen long Palamerenti Komiti.

Pastaim Foren Afeas Minista na nau Ekting Praim Minista, Sam Abal, i sapotim Bil tu na em bin mekim singaut i go long ol Palamen memba long sapotim Bil taim Palamen i glasim. Mista Abal i bin tok i gat sampela gutpela poin ol meri i gat we ol i ken yusim long taim bilong mekim ol disisen long Palamen.

Em bin tok ol manmeri long kantri i no save votim ol meri, maski ol meri kendidet i go planti. Na olsem nau, Palamen yet i mas vot long Bil bilong risev sit.



WANPELA PRAIT OF PNG AWOD WINA: Mary Drua, bilong Goroka i wok olsem HIV/AIDS kodineta i kisim Komyuniti Spirit awot long 2010,

Sekreteri bilong Foren Afeas na Tred, Michael Maue i tok kontrak bilong ol dispela opisa em long tripela yia.

Praid ov PNG awot em i narapela eria i save soim hatwok long ol meri i karim kaikai em Siti Famasi kampani i bin kamapim long tripela yia i go pinis, long givim luksave long ol meri insait long komyuniti husat i save mekim ol bikpela wok tasol ol i no save kisim gutpela luksave.

6-pela wina bilong 2010 Praid ov PNG awot em long; Wanita Homogo i gat 65 krismas em i wanpela viles volantia midwaif nes i wina bilong 2010 Praid ov PNG awot long.

"Care na Compassion"awot resis seksen, Christine Giwe em i wanpela yangpela volantia woka i save helpim ol mama, ol yut na ol pikinini i kamap wina bilong Yangpela PNG seksen, Kaa Simbil i gat 59 krismas bilong Nongul long Jiwaka provins i kisim Strongpela Meri luksave awot, Mary Drua, bilong Goroka i wok olsem HIV/AIDS kodineta i kisim Komyuniti Spirit awot long 2010, Christine Kenia, i wok long Hohola Spesel Edukesen Senta long NCD olsem Terapis na deputi het tisa i kisim Rol Modol awot 2010 taim Georgina Numbasa em wanpela sinia leksera bilong Envaironmen Saiens Dipatmen long Yunivesiti bilong PNG i kamap wina long Envaironmen seksen.

Gavana Jenerel Se Paulias Matane, i bin salensim dispela lain i kisim 2010 Praid ov PNG awot long skruim wok bilong ol moa yet wok long helpim na kamapim gutpela samting long wol.

Se Paulais i bin tok long wanem hap kona ol meri i bung, ol i save toktok long ol wari bilong tok long wanem hap kona ol meri i bung, ol i save toktok long ol samtiinn ol i ken mekim long kamapim gut kaip na sindaun bilong ol, wari bilong ol long famili, ol pikinini na ol samting i kamap insait long ol wanwan komyuniti bilong ol.

Long sait bilong helt bilong ol meri, sik kensa bilong susu na bilum bilong bebi em tupela sik we planti meri PNG i wok long dai long ol tude.

Wantok i bin bungim Joyce Madu, em wanpela nes na wanpela kensa sevaiva na meri husat nau i wok hat long karimaut ol wok awenes long kensa bilong susu na daunim dispela sik long PNG.

Tenpela krismas i go pinis, em bin pilim wanpela solap long hap bilong susu na painimaut olsem dispela em i kensa bilong susu sik, tasol inap long mun Disemba las yia, ol i lukim 10-pela meri wantaim kensa bilong susu.

Sik kensa bilong susu em PNG i no bin save long em inap long ol yia long 1990's na 2000's.

bin hariap kisim operesen na tude, em i stap laip.

Em i tok planti meri i kisim kensa bilong susu i wok long dai bikos ol i nogat save long dispela sik na ol i save stap isi tasol na dai.

Em i tok ol meri i mas save long sekim susu bilong ol long pilim sapos i gat solap, skusim o bengim nipel o ai bilong susu sapos wara i kapsait. Na sapos yu pilim solap o lukim susu, go kwiaktaim long haus sik long kisim helpim.

Nes Joyce i tok ol i nogat ol data o ripot yet long hamas meri long PNG i dai pinis long

kensa bilong susu sik, tasol inap long mun Disemba las yia, ol i lukim 10-pela meri wantaim kensa bilong susu.

Sik kensa bilong susu em PNG i no bin save long em inap long ol yia long 1990's na 2000's.

Narapela samting we i bin kirapim das long kantri i no long taim i go pinis em ol ripot long niuspepa we i tok Dame Carol i sapotim Bil bilong sapotim pasin pamuk.

K o m y u n i t i Dvelopmen Minista, Dame Carol Kidu i kros tru long ol ripot i kamap long midia olsem em i strongim na sapotim Bil o loa i tok oraitim pasin pamuk na man i laikim man long PNG.

Dame Carol i bin tok olsem taim em i kamap long FM100 Redio Tok Bek program long klarim ol toktok i no stret.

"I nogat Bil o Lo long tok oraitim pasin pamuk o man i laikim o prenim na maritim man long dispela kantri, tasol riviu o wok glasim long lo we ol i bin mekim long ol yia long 1800 i wok long go het. Mi kros tru long ol ripot i kamap long niuspepa we i tok mi sapotim o strongim Bil long tok oraitim pasin pamuk long kantri.

"Mi laik mekim klia olsem mi no laik kamap olsem jas long sapotim o egensim gutpela pasin (moral judge) long sosaiti. Tasol Nesenel Eksekutiv Kaunsel i no

bin laik glasim dispela samting na givim i go long Loa Rifom Komisn long skelim na wok long en. Wok risets long dispela i go het na bai ol i toktok wantaim ol sios, ol seks woka o pamuk lain, ol man i maritim man lain na glasim na skelim ol samting. Na ripor bai redi long neks yia.

"Mi kros nogut tru wantaim prin midia (nuiispepa) long kisim krangi ol toktok na wokim ripot i no stret we i kirapim bel bilong planti lain long kantri. Ol toktok long midia ripot i no tru. Ol ripota i mas mekim gut wok na risets bipo ol i raitim ol nius. Na ol i noken putim tingting bilong ol yet na raitim olsem nius. Midia i mast ok sori long mi long putim ripot i no tru" Dame Carol i tok.

Em i tok olsem lain i save mekim lo, olgeta lo em ol i mas glasim, tasol i gat rot we ol i mas bihainim.

Dame Carol i tok olsem i gat nit long rivyuwim o glasim lo long pasin pamuk na man i maritim man. Em i laikim bai i mas gat lo long lukautim ol meri we long planti taim, i save kisim bikpela bagarap na ol man i save wokim pasin wantaim ol meri i save go fri.

Taim em i toktok na ansaim ol askim bilong pablik long FM100 Redio Tok Bek Program, Dame Carol i tok tru, PNG em i wanpela Kristen kantri na em i luksave long dispela na ol gutpela pasin we yumi mas bihainim, tasol long wanbain taim tu, yumi mas lukim ol samt-

ing tru tru i wok long kamap.

Dispela em ol samting olsem lukluk nogut long ol pamuk meri, ol man i laikim man.

Dame Carol i tok Loa Rifom Komisn husat em bodi i wok long rivyuwim na glasim dispela lo, em samting i stap long hap bilong em. Na ol bai toktok wantaim ol sios na ol arapela atoriti i wok long dispela eria bipo ol kamap wantaim wanpela lo i karamapim dispela eria.

"Ol pamuk lain i mas bihainim seif seks prektis long sait bilong pablik helt na lukautim ol narapela. Sampela mama i wokim pasin pamuk long kisim mani long baim kaikai na skul fi. Yuni mas toktok long seif seks na pasin long seksuel bihevia. Mi no kwesteniim rait bilong sios, tasol dispela lo long pamuk na man i prenim man i bilong ol yia long 1800. Wok i stat nau long glasim na skelim ol dispela nau," Dame Carol i tok.

Nupela yia ,2011, bai lukim ol meri i skruim gen wok na wanpela bikpela samting em long dispela risev sit bil em Palamen i mas vot long en, daunim pasin bilong paifim na bagarapim meri, ikwal rait bilong ol meri, ol disebol na ol man.

**GUTPELA AMAMAS BILONG KRISMAS NA NU YIA I PUNDAUN ANTAP LONG YUPELA OLGETA OL WANTOK RIDA.**

**Johnston's Pharmacies Ltd**

*Sevim PNG moa long 50 krismas*

**Boroko:**  
P.O. Box 1066 Boroko, Tabari Place

**Phone: (675) 325 5336**  
**Facsimile: (675) 325 9411**  
**Email: boroko@johnstons.com.pg**

**Wholesale:**  
Spring Garden Road, Gordon

**Phone: (675) 325 3356**  
**Facsimile: (675) 325 0190**  
**Email: sales@johnstons.com.pg**

**Johnstons Pharmacies Stoa i givim yu luksave long ol kain kain krismas presen bilong famili, i driman long en ... Hariap Nau!**



# Ol sios i strongim wokbung

Veronica Hatutasi i raitim

**O**LSEM long olgeta samting taim yumi kamap long pinis bilong yia, yumi save glasim ol wok kamap long ol wan wan eria bilong laip na sindaun na skelim sapos sampela wok go het na senis i kamap.

Glasim wok bilong sios long PNG long dispela yia, wanpela bikpela samting we i bin kamap long ol sios em long netwok na wok bung wantaim long daunim ol sosel hevi olsem HIV/AIDS, yut, , famili, pasin bilong paitim nogut na bagarapim ol meri na ol pikinini i nogat papamama.

Long Mun Me long dispela yia, ol sios i bin wokim histri long lon-sim wok bung netwok agrimen long daunim sik HIV/AIDS insait long kantri.

20-pela sios lida olgeta we Katolik Sios hetman bilong Pot Mosbi Asdaiosis, John Ribat, i go pas long em i bin stap long lons na sainim "PNG Kristen Lidas Alaiens long HIV/AIDS insait long wanpela bung i bin kamap long Holide Inn long Mosbi.

Ol narapela sios na ol lida bilong ol o bin sainim agrimen long wokbung wantaim em long:

- Reveren Anthony Dalaka, hetman bilong Asemblis bilong God sios;
- Pasto Tony Kemo – Presiden bilong Sentrel Papua SDA sios;
- Patrick Gaiyer em presiden bilong Baptis Yunien, ;
- Pasto Qogi Zonggoreng bilong Luteran Sios;
- Pasto Julian Kivori – Baptis Sios;
- Bisop Edea Kidu- Yunaitet Sios;
- Reveren Samson Lowa-Modereta bilong Yunaitet Sios na Siaman bilong PNG Kaunsel bilong Sios;
- Pasto Rodney Tomuriesa-Foskwea Sios;
- Komana Andrew Kalai-Salvesen Ami;
- Pasto Pinaria Sialis- Kristen Laip Senta;
- Pasto Fuwe Hageyo- Kristen Rivaivel Kruzet;
- Bisop Peter Ramsden-Angliken Sios;
- Pasto Edward Wenge-Kristen Autris Senta;
- Pasto Hengebe Himuga-Evanjelikel Sios bilong PNG;
- Pasto Daniel Hewali-AGAPE Intanesenel;
- Pasto Sima Kaima-Soul Harvest;
- Agnes Aluvula-PNG Kristen Womens Kaunsel;
- Pasto Vincent Miria-Ministri Fratenel na
- Reveren James Bhagwan-



OL SIOS KAMAPIM WOK PATNA: Moa long 20 sios lida i bin sainim wanpela agrimen long wokbung wantaim long pait egensim sik AIDS. Poto: Veronica Hatutasi

## Ol sios kamapim netwok long pait egensim ol sosel hevi...

Pasifik Konpren bilong ol Sios.

Agrimen i gat 13-pela poin we ol dispela sios bai i wok aninit long wok bilong kontrolim AIDS i kalap long moa pipel, givim lukautim sapots na kea long ol lain i pondaun wantaim sik, wokim awenes na toktok long sios na ol kongriksen bilong ol long rot bilong abrusim sik na tu, daunim pasin bilong lukluk nogut long ol lain i gat sik AIDS.

"AIDS hevi i bungim yumi wantaim bikos yumi stap nau wantaim sik AIDS. Mipela i mas serim save, luksave na ekspirians long ol wan wan rilijes komyuniti na ken kamap strong na karamapim olgeta. Aninit long dispela (Sios Alaiens netwok), bai yumi kamapim nupela kalsa long yumi ol wan wan sios i wok bung (ecumenical) wantaim luksave olsem yumi gat ol wan wan bilip bilong yumi tasol fokas long ol velyu yumi serim long luksave long humen digniti (olgeta man i wankain) na humen rait," hap long agrimen ol sios lida i sainim i tok.

Ol toktok we ol bikman i mekim olsem Siaman bilong Nesenel AIDS Kaunsel Sekreteriet, Se Peter Barter, Gavana Jenerel Se Paulias Matane, Yunaitet Nesens Residen Kodineta David Mclachlan-Karr na makim AusAID em Stephanie Copus-Campbell i bin autim wankain tok olsem ol i luksave long ol sios olsem ol i namba wan lain long hariap go insait long wok bilong daunim AIDS na givim lukaut. Na ol i amamas long dispela wok bung wantaim ol i wokim long strongim moa wok bilong pait egensim dispela sik we i wok long bagarapim pipel, ol famili, komyunitis, kantri, wok

mani na olgeta eria moa long ol wok developmen bilong PNG.

Ol bin tok bikpela samting nau em long wok strong moa long daunim pasin bilong lukluk nogut (stigma)long ol manmeri i gat sik AIDS. Tasol ol i bin autim amamas long gutpela lukaut, kaunseling, testing, kea na sapot ol sios i mekim na givim long pipel i gat sik AIDS long ol rurel eria na taun.

Sampela ol narapela bikpela samting i bin kamap long sios eria em long namba 27 bikpela sinot bung bilong Evanjelikel Luteran Sios long PNG (ELC/PNG) ol bin holim long Morobe provins long stat bilong dispela yia, Janueri. Planti tausent sios memba long ELC/PNG Distrik long kantri i bin bung na glasim ol toktok long ol wok kamap long sios, ol hevi i slekim wok na rot ol i ken bihainim long daunim hevi, ol gutpela wok kamap na fokas bilong sios long ol taim i kam bihain. Long wankain taim tu, sios i bin makim Reveren Giegere Wenge olsem nupela het bisop long go pas long namba tu bikpela sios long PNG we i gat moa long 1.3 milion memba long PNG, bihain long Katolik Sios.

Bung i lukim tu lons bilong tupela nupela samting. Em long visen 2020 na HIV/AIDS polisi.Wokabaut bilong sios insait long narapela 10 yias o visen 2020 bai lukautim ol long wanem mak bai ol i wokabaut long em. Na ekting bisop Reveren Zau Rapa i askim olgeta bilip manmeri bilong Luteran sios i mas ritim ol dispela polisi.

Samting olsem 8,000 buk bai ol i kamapim bilong visen 2020 na HIV/AIDS polisi na em i askim olgeta long kisim ol dispela buk na

ritim na save long wanem samting ol i bin kamapim.

Reveren Rapa i tok leit het bisop Dokta Reveren Wesley Kigasung i bin mekim bikpela wok long kamapim dispela ol polisi tasol em yet ino stap long luksave long kaikai bilong em.

Long wankain taim tu, ol i launsim wok bilong HIV/AIDS bilong sios na givim igo long Minista bilong Helt na HIV/AIDS Sasa Zibe, husait i bin go stap na witnesim dispela launsing.

Olpela sios sekreteri Isaac Theo i tok dispela sik em i wanpela bikpela hevi na ol i bin kamapim dispela polisi long ol i wok bung wantaim ol narapela stekoldas long mekim wok wantaim long daunim dispela hevi.

Awenes em i wanpela bikpela samting we ol i laik go pas long mekim.

Zibe i tok em i amamas long dispela launsing long wanem, Gavman tasol ino inap long daunim o paitim hevi bilong dispela bikpela sik nogut we i wok long bagarapim ol manmeri bilong kantri.

"Dispela wok patnasip namel long sios na gavman em i gutpela rot bilong daunim dispela sik nogut.

"Gavman tasol ino inap daunim dispela sik nogut tasol em wok bilong sios tu i mas igat sampela wok long dispela," em i mekim dispela toktok bihain long kisim dispela HIV/AIDS polisi pepa.

Em i tok tu olsem dipatmen bilong helt na Nesinel AIDS Kaunsel bai givim ful sapot long dispela wok bilong misin.

Ol sosol isu olsem bilak pawa, trabel pait, sanguma, lo na oda na giaman profet tu em sampela samting ol i bin toktok long taim bilong sinot.

Dispela sinot i no lukluk tasol long sait bilong tiologi, wok misin o sios histori. Ol i toktok long planti samting we i bagarapim laip bilong ol Kristen bilip manmeri.

LONG namba wan taim long mun Janueri 2010, klostu 70 Katolik pater bilong PNG na Solomon Ailan i bin bung long wanpela wik ritrit bilong ol long Holi Spirit Seminari Kolis, Bomanasait tasol long Mosbi we Katolik Bisops Konprens (CBC) i bin pas long en.

CBC i bin kamapim tingting long wokim samting bilong bungim ol pater long PNG na Solomon Ailan wantaim bikos em i yia bilong ol pater. Pop i makim yia bilong ol pater (Jun 2009 inap long Jun 2010) bilong selebrtetim 150 yia bilong Santu John M Vianney, em was santu bilong ol pater.

"Ol pater i lukluk bek na glasim laip na wok bilong ol na skruim wok long bihain taim bilong ol. Mipela i amamas long gutpela ansa na planti pater i kam. Ol bisop i makim tupela pater insait long wanpela daisosis long kam long dispela ritrit. Ritrit em i gutpela taim tu long ol pater i bungim gen ol wanskul bilong ol bihain long planti yia. Sampela i holim bikpela lidasip wok, pastoral wok na ol arapela sios wok we ol i bung na stori na senisim tingting wantaim," Bisop Rochus em wanpela man i go pas long redim dispela ritrit i tok.

Olgeta sios long PNG nau i luksave olsem antap long wok bilong skruim Gutnius, ol i mas strongim wok long daunim ol sosel hevi long kantri. Na tru yet nau, ol i wokim dispela i stap.

Dai bilong Televisen Evanjelis pasto, Joseph Kingal long mun Septemba long dispela yia i bin mekim ol Kristen na pipel bilong PNG i kirap nogut na sori tru long lusim dispela gutpela na yangpela wokman bilong God. TV Ministri bilong Pasto Kingal i bin go intanesenel long ol kantri olsem Rasia, Amerika, Australia na ol narapela moa.

Taim yumi kalap i go long nupela yia, yumi mekim wantaim gutpela tingting long lukautim spirituel na fisikel sait bilong yumi na putim Papa God i go pas long olgeta samting yumi mekim. Na larim belgutna bel isi wantaim pasin bilong laikim na rispek o luksave long ol narapela i stap na givim stia long laip, sindaun na wokabaut bilong yumi.

**GUTPELA KRISMAS NA AMAMAS BILONG NUPELA YIA I PUNDAUN ANTAP LONG YUPELA OLGETA RIDA BILONG WANTOK.**



# Lukluk bek long edukesen long 2010

## Planti pipel no laikim OBE

Veronica Hatutasi i raitim

**E**DUKESAN em i wanpela bikpela tul o samting man i nidim long kamapim gut laip na sindaun bilong em na tu, long go insait na kontribut long ol wok developmen long kantri. Tu, long toktok na wok wantaim ol narapela kantri long wol.

Edukesen sistem bilong PNG i wok long bihainim nupela rifom o senis, stat yet long 1995. Wanpela long ol nupela senis em Autkam Beis Edukesen o olsem nem yumi save harim i pairap planti moa yet tu, em OBE.

Long katim sot, aninit long OBE kurikulum, ol sumatin bai mekim wok ol yet taim ol tisa i supavaisim ol. Dispela i narakain long pastaim kurikulum we planti long yumi i bin skul aninit long em we ol sumatin i save sindaun harim ol tisa i go pas long ol skul lesen. Tu, planti ol tisa i nogat trening long skulim ol sumatin aninit long OBE kurikulum na tu, ol i nogat ol metiriel tumas long yusim long ol tising lesen o wok bilong ol. Planti skul long kantri i nogat laibreri long helpim ol tisa na ol sumatin long kisim helpim long en.

Insait long wanpela wok risets long OBE we Nesenel Risets Institut (NRI) i bin karimaut, OBE ino wok gut na i no helpim ol sumatin long lainim bilong ol.

Ripot i tok Edukesen Dipatmen i mas hariap glasim, skelim senis long OBE kurikulum.

Na olgeta tisa i mas sindaun long trening long save na go hetim OBE na ol nupela senis insait long Edukesen sistem long dispela kantri.

NRI risets wok long mun Septemba long dispela yia i bin lonsim tupela risets wok pepa i bin lukluk long watpo ol Sumatin i Save Lusim Skul na Kurikulum Lainim long ol PNG skul.

Dokta Patricia Paraide i bin go pas long risets i bin lukluk long watpo ol sumatin i save lusim skul na Dokta Arnold Kukari i bin go pas long risets i sut long Kurikulum Lainim long ol PNG skul.

"Nupela OBE modul i no wok gut long PNG bikos i nogat kurikulum senis tisa trening long provinsel, distrik na skul level. Tu, Edukesen Dipatmen i no soim stia na lidasip long go hetim trening. Moa yet, i nogat mani long provinsel level long karimaut tisa trening long olgeta hap bilong kantri. i nogat inap metiriel o ol samting long helpim ol tisa i mekim wok long lainim ol sumatin aninit long nupela OBE modul," Dokta Kukari i tok.

Risets i painimaut olsem taim Edukesen Dipatmen i no soim stia na lidasip long dispela, ol dona lejensi olsem KURikulum Rifom Implimentesen Program (CRIP) bilong AusAID i bin go pas givim stia long go hetim rifom developmen na trening.

Tasol risets i tok tru, CRIP i bin karimaut gutpela trening long nesanel level, em i bin kisim tasol liklik lain tisa long provinsel, distrik na skul level long sindaun long ol trening. Tu, risets i painimaut olsem CRIP i no bin bihainim ol polisi na ol rot olsem kurikulum bai kamapim kwaliti lainim we Edukesen Dipatmen i putim long en.

"Bikos planti tisa i no sindaun long trening, ol i pilim olsem ol i no gat save long karimaut nupela OBE kurikulum. Ol i nogat inap metiriel na ol risos long helpim ol i karimaut ol wok aninit long OBE. Ol dispela wantaim ol narapela i mekim na planti lain i no amamas na egensim OBE kurikulum modul, go hetim bilong em na salens long kurikulum i larim ol sumatin i mekim planti ol wok ol yet, tasol ol PNG skul i nogat ol tising metiriel long ol tisa na sumatin long yusim," risets ripot bilong Dokta Kukari i tok.

Planti ol tisa i bin stap long lons bilong tupelo ripot i bin wanbel long risets ripot. Ol i bin tok trening em bikpela samting we olgeta tisa i mas sindaun long em long provinsel, distrik na skul level.

Sampela tisa we *Wantok* i bin kisim tingting bilong ol i bin toktok strong olsem ol elementeri skul tisa i mas kisim tisa trening na ol bai skulim gut ol pikinini taim ol i statim skul bikos lainim bilong ol pikinini long taim ol i stat long skul i bikpela samting.

Long sait bilong ol elementeri skul pikinini i lainim skul long tokples na i kamapim hevi na wari bikos i luk olsem ol i no klia gut long ol samting taim ol i go long praimer level, Edukesen Minista James Marape i tok ol sumatin i mas lainim Inglis long elementeri skul level.

"Inglis i mas stap long elementeri skul. Taim mi stap olsem Edukesen Minista, mi bai sapotim strong long lukim olsem ol i lainim Inglis long ol elementeri skul pikinini. Lainim long tok ples em long kisim klipela save long ol samting, tasol ol i mas lainim tok Inglis long ol wok na lainim biolng ol sumatin," Mista Marape i tok.

Long wankain taim, narapela risets ripot bilong Dokta Paraide i soim olsem skul fi em i wanpela bikpela samting we ol sumatin i save pinis long skul

long praimer na sekonderi level. Ol narapela as em long sik, hangere, nogat inap metiriel long tisa na sumatin long yusim long skul na wok bilong ol, hevi long famili, peer presa, drag na alkohol, ol sampela sumatin i paitim ol narapela, ol sumatin meri i gat bel, ol kain pasin bilong kamapim bagarap long ol pikinini, helpim long ol wok long haus na gaden na ol wok kalsa.

Risets i bin painim olsem bikpela tingting ol sumatin long go skul em, ol i laikim moa save, lainim long rit na rait na kamapim gut laip na sindaun long bihainim taim. Tasol sot long ol samting long helpim ol inap ol dispela olsem skul laibreri i kamapim hevi long ol dispela tingting na laik bilong ol.

Planti lain stret i gat long em ol papamama i no laikim OBE. Wanpela long ol em John Samar, husat i wok wantaim opis bilong Visin 2050 long Dipatmen bilong Praim Minista. Em i tok planti samting i asua long OBE sistem.

Mista Samar i tok dispela sistem i givim planti wok long ol tisa tasol ol no kisim gutpela trening pastaim long mekim wok. Na planti skul long taunn na ruel eria i nogat laibreri long ol sumatin na tisa long yusim na wok long OBE i ken ron gut.

Mista Samar i tok long raun bilong em long planti ol arapela kantri long wol taim em i bin wok wantaim Yunaitet Nesens (UN) long Bangkok, Tailen na Spein long Yurop, gavman bilong ol i rausim kain sis-

tem long wanem, em i no helpim ol pikinini bilong ol.

Em i tok sapos ol kantri olsem Australia i ting ol i laik helpim PNG, orait, ol i mas yusim dispela ol sistem na bihain givim long mipela.

Long wanpela wok painimaut em bin mekim long tripela skul insait na arere long Mosbi siti, em bin painimaut olsem planti mangi long Gret 7 na 8 long tripela skul i no save gut long rit na rait.

"OBE i bagarapim na daunim mak long skul bilong mipela. Long 10-pela o 20 yia taim, kantri bai nogat ol gutpela save manmeri bai mekim wok. Na wanpela long ol dispela bikpela projek em long PNG LNG Projek," Mista Samar i tok.



DEPARTMENT OF EDUCATION  
WAIGANI

### PUBLIC NOTICE

## 2011 NEB MAXIMUM SCHOOL FEE LIMITS

This notice explains the 2011 Maximum School Fees set by the National Education Board (NEB).

#### MAXIMUM SCHOOL FEE LIMITS FOR 2011

The NEB has decided that the Maximum School Fee Limits for 2011 will remain the same as for 2010 for all institutions. The NEB made the decision based on the outcomes of the latest survey "Parental School Fees Affordability Study" (2009) which ascertained various hardships parents were experiencing living beyond their means. The NEB sets maximum school fee limits in order to guide provincial education authorities and Department of Education Divisions to set realistic fees. The 2011 school fee limits take into account the rise in the prices of goods and services, the effects of inflation and also the need to keep the cost to parents as low as possible, but at the same time provide schools and colleges with sufficient funds for their operational costs.

This decision applies to national institutions (including institutions in the National Capital District) and provincial institutions in provinces where a current Provincial Education Act is not applicable. Tables (a), (b) and (c) below, show the maximum fee limits.

#### (a) Elementary, Primary, Vocational Centres, Secondary/NHS and FODE

School Level	NEB Maximum Fee Limits (K)
Elementary (Prep-Gr.2)	No Parents component
Primary Gr. 3-6	230
Primary Gr. 7-8	230
Secondary/Vocational Gr. 7-10 (Day)	750
Secondary/Vocational Gr. 7-10 (Boarder)	1,100
Secondary/National High Schools Gr. 11-12 (Day)	800
Secondary/National High Schools Gr. 11-12 (Boarder)	1,300
FODE (per subject)	80

#### (b) Technical and Business Colleges

Course	Duration	Course Fees	Messing Fees	Total
Diploma/Technician	Semester (22 weeks)	K1,450.00	K730.00	K2,180.00
Diploma/Technician	Year (44 weeks)	K2,800.00	K1,800.00	K4,600.00
PETT/TTC (self-sponsored)	Year (44 weeks)	K2,800.00	K1,800.00	K4,600.00
PETT/TTC HECAS (sponsored)	Year (44 Weeks)	K2,800.00	K1,800.00	K4,600.00
Bridging Course	10 Weeks	K770.00	K400.00	K1,170.00
Apprentice/Extension	8 Weeks	K730.00	K320.00	K1,050.00
Part Time/Special Course	Vary, depending on volume of course			

Colleges will also charge K300.00 as administration fee for 44 weeks courses

For further details, contact:

Superintendent-Operations  
Technical Vocational Education and Training Division  
Department of Education  
P O Box 446, WAIGANI,  
National Capital District

Telephone: 301 3539

#### (c) All Primary Teachers' Colleges and PNG Education Institute (PNGEI)

Courses	Duration	Type of student	Admin & Course Fees 2011	Messing Fees	Total
Primary Teachers' Colleges		HECAS	K1,257.00	Set by OHE	Sum of what students & OHE pay
Diploma in Teaching (Primary) and PNGEI	36 Weeks	Corporate Sponsorship	K5,000.00		
		Self Sponsored (Day)	K3,500.00	Set by OHE	Sum of what students & OHE pay
		Tuition Self sponsored (Boarder)	K4 500.00 (Boarder)	Set by OHE	Sum of what students & OHE pay
			K2,635.00 (Day)		
Diploma of Vocational Education and Training (DOVET)		DOVET	K3,892.00		

For further details, contact:

Assistant Secretary  
Teacher Education Division  
Department of Education  
P O Box 446, WAIGANI,  
National Capital District

Telephone: 301 3363/64

For further information, contact:

Assistant Secretary - Policy, Planning and Research Division	Tel: 301 3564/65
Assistant Secretary - Coordination, Communication and Legal Services Division	Tel: 301 3359/60
First Assistant Secretary - Policy and Planning Wing	Tel: 301 3349/50

This maximumfee limits have been approved by the National Education Board in its Meeting No. 169 on the 22<sup>nd</sup>-23<sup>rd</sup> September 2010 in Port Moresby.

DR JOSEPH PAGELIO  
Chairman - National Education Board



**WANTOK**  
Niuspepa 1970-2010



# Wantok



Namba 1897 Wan Wik Disemba 23, 2010 - Jenueri 5, 2011 Niuspepa Bilong Yumi Ol PNG Stret! *K1 tasol*



**MERI-KRISMAS na HEPI NIU YIA i kam long**

**WANTOK NIUSPEPA**

## Teksim Fevret Sta blo yu!

Lukim EMTV displa Sunde long 6:30pm nait. Teksim nem lo sta yu laikim i go lo namba1699 na bai yu go insait lo laki dro we yu inap winim kes moni na fri kredit!

**Digicel stars**



**Digicel**

Bikpela, Storpela moa Netwok bilong PNG.

Digicel tems na kondisen istap insait

**Stap nau long stua klostu long yu**

## NUPELA YELO FIN TUNA

### wantaim lombo na soya bin wel

**Namba wan kaikai bilong PNG ...**

**TRAIM WANPELA TUDE!**







# “Presen bilong Papa God long pinisim olgeta Pret”

NA enjel i tokim ol man bilong was long sipsip olsem “Noken pret. Stap strong, mi bringim i kam long yupela gut nius bilong wanpela bikpela amamas we bai kam long olgeta pipel; long yupela long dispela de long taun bilong David, wanpela Sevia, husat em Krai em Lod. Na dispela bai mak bilong yupela; Yupela bai painim wanpela bebi mama i karamapim em long laplap na slip long bokis kaikai bilong ol enimal”

Mipela save laik harim gen stori bilong Krismas. Em wanpela simpel stori tru. Wanpela liklik bebi em Mama Maria i karim em long Betlehem. Mama i karamapim em long ol kos na slipim em long bokis kaikai bilong enimal.

Yumi save gut long dispela stori. Yumi save harim stori ya planti taim. Tasol, maski planti taim yumi harim, dispela stori i no save go bagarap. Deit bilong em i no save pinis maski olsem em 2000 yia na ol man i kamapim planti ol teknoloji na planti samting, stori ya i stap fres yet.

Tok we i go wantaim taim mama i karim dispela bebi long Betlehem i gat moa mining long ol man husat i stap insait long ol bikpela karamap long go long spes olsem kompiyuta olsem em i kam long kapenta man ya Joseph. Stori bilong Krismas i wankain na i gat mining long ol mama husat save wok long haus tude long gutpela haus em i gat na tu stori ya i wankain olsem turangu Mama Maria husat i karamapim pikinini bilong em wantaim laplap na slipim em long bokis kaikai bilong ol enimal. Long nau ol mama i karim pikinini long gutpela haus, dispela stori i stap fres yet.

Senis we i wok long kamap long ol kalsa i stilim mining tru bilong Krismas long mining bilong em tru o nogat? Ansa i stap long namba wan tok true enjel i mekim long ol wasman bilong sipsip: “Noken pret” Mining bilong Krismas na toktok bilong Krismas em marasin Papa God i givim long daunim na pinisim pret bilong ol man inasit long olgeta taim, namel long wanem kain ol pipel na wok na kalsa bilong ol.

Toktok bilong Krismas em enjel i givim long ol pipel husat i pret. Tok ya i go long Joseph tu long mekim em noken pret bikos ol narapela lain bai i ting olsem em i maritim Maria husat i gat bel pinis. Na long Maria, em i noken poret. Mama Maria pret long lukim enjel na i tingting planti long griting enjel i givim em. Griting bilong enjel i go long ol wasman bilong sipsip taim i kam wantaim glori bilong God.

Na toktok bilong Krismas i kam long mipela long pret bilong mipela. Ating yumi no inap long save wanem ol samting tru save mekim mipela pret na mipela i no inap luksave stret long ol. Mipela i no save toktok tumas long ol bikpela pret mipela i gat. Tasol ol pret



ELC Rev. Somi Setu

ya i stap long kain kain mak, ating em i no trupela pret olsem pret em Maria, Joseph na ol wasman bilong sipsip i pilim. Ating yu mas pret tru long sik na

hevi yu bungim o taim yu painim wanpela solap long skin na yu tingting planti long go lukim dokta. Sampela taim yu save pret long lain i rausim yu o pipel i no laikim yu. O yu save pret long feil o pundaun. Yu save pret tu long em bikpela tumas long yu stretim.

Yu save pret tru long bihain taim, dispela em bikos em i stap long tudak yet na yu no save long en. O yu save pret long laip bikos laip i gat planti kain kain samting i stap na i paulim tingting bilong ol yangpela na lapun wantaim. O yu pret long dai na yu pret long hevi bilong sin bilong yu yet.

Ating yu pret long God bikos em askim long olgeta samting long yu, na yu givim em liklik tasol.

Krismas i gat miting long ol lain husat save pret. Krismas toktok i kam long rausim pret long bel na tingting bilong yu na laip bilong yu. “Noken Pret” enjel i tok “Noken pret. Stap strong, mi bringim long yupela gut nius bilong wanpela bikpela amamas we bai kam long olgeta pipel; long yupela long dispela de long taun bilong David, wanpela Sevia, husat em Krai em Lod.

“Noken Pret” Wanem samting i stap long pretim yu bikos God i givim bikpela

presen pinis? Bilong wanem tru na yumi save pret bikos laikim bilong God long yumi em i bikpela tru?

Gud nius em long mipela, bikpela amamas em bilong mipela na Sevia em bilong mipela. Sapos yumi bilip long dispela, yumi save olsem nogat samting bai bagarapim mipela. Olgeta samting bai wok long gutpela bilong mipela. Nogat samting i stap long laip, indai na laip long bihain i ken stopim mipela long laikim bilong God.

Serim dispela gut nius tude, long nau nait, tumoro na olgeta de with wanpela arapela. Tokaut long dispela long olgeta lain i stap klostu na long yu husat i stap wantaim pret. Soim dispela pasin long haus na insait long komyuniti wantaim gutpela pasin na long pes bilong yu olsem yu painim pinis bel-isi na amamas bilong Krismas bikos “I kam long yu tude em wanpela Sevia em Krai em Lod.

“Noken Pret”. Dispela em tok em God i givim long blesim Krismas na wanpela trupela Hepi Niu Yia.

Rev. Sommy Setu  
ELC-PNG – Pot Mosbi



Gavana bilong NCD, Powes Parkop na Katolik Asbisop bilong Mosbi, John Ribat i sanap arere long haus ol i wokim long Jack Pidik Pak long Mosbi wantaim ol steti bilong Maria, Joseph na bebi Jisas wantaim ol enimal. Foto: Nicky Bernard.



# Selebresin bilong Krismas long ol rurel ples

James Kila i raitim

**MOA LONG 95 pesen manmeri insait long Papua Niugini em ol Kristen bilipman meri na long dispela Krismas planti bai amamasim Krismas insait long lotu wantaim ol femili na wantok long ples na hauslain bilong ol wan wan insait long kantri.**

Krismas em taim bilong tingim lotu. Tasol planti lain long ol taun na siti I save tingim long baim ol kain kain presen, bilasim ples na tu tingim ol samting we I no go stret wantaim mining bilong Krismas.

PNG I go paul nau bikos, komosal samting olsem ol presen na ol bilas long taun na stua I paulim tingting bilong planti lain na ol I no tingim tru mining bilong Krismas.

Insait long planti rurel ples na viles long Papua Niugini, planti wok redi I kamap pinis long ol sios peris long mekim lotu long Krismas nait long tingim dispela taim we Mama Maria I karim Jisas long Betlehem.

Planti ol lain husat i wok i stap long taun na siti i go pinis long ples long malolo na long amamasim Krismas sampela bai go lotu long wan wan viles sios bilong ol.

Krismas em spesel taim long Krismas kalenda long tingim taim Mama Maria i karim Jisas Kraus husat King na Sevia bilong yumi ol Kristen manmeri long graun.

Mi save tingim Krismas lotu olsem spesel taim bilong lotu taim mi stap mangi yet. Mi save lotu long Krismas nait na wanpela samting we mi no save lus tingting em pasin bilong lotu na singsing na tu bilas long haus lotu.

Yes, bilas long haus-lotu save nais tru na taim ol i putim ol liklik steti i makim Joseph, Maria na bebi Jisas na ol enimol long haus kaikai bilong ol enimal em save luk nais tru.

Mi save lotu bipo long Jomba peris long Nu Taun long Madang na bihain mi save go lotu long Santu Paul Mirap Peris long Not Kos Rot long Madang.

Tru tumas, mi save tingim ol dispela taim bipo we haus lotu i save luk nais tru wantaim ol naispela bilas na tu ol lain bilong redim singsing bilong Krismas misa i save prektis gut tru na taim ol singsing long haus lotu, ol song save kamap gut tru na kirapim bel na tingting bilong planti lain.

Pater tu i save redim ol tok long autim long misa gut tru na planti taim dispela ol tok i save sut long salensim mipela ol Kristen long wanem gutpela rot mipela i mas bihainim long gutpela Kristen laip bilong mipela.

Yes, yumi em Kristen kantri planti i save tok olsem tasol sapos pasin bilong yumi na bilip bilong yumi olsem Kristen i no stap long eksin ol samting yumi mekim em yumi no trupela Kristen. Yumi 'skin Kristen tasol'.

Olsem mi tingim wanpela skul toktok wanpela leksera tisa bilong mi long Divain Wod Yunivesiti i bin tokim mi. Em i tok olsem: "Sapos yu gutpela Kristen, yu mas soim long pasin o eksin bilong yu. Noken toktok olsem yu Kristen, tasol yu wanpela gridi man, na no save givim helpim o samting long narapela brata o susa bilong yu".

Nau long dispela taim bilong Krismas, mi laik salim bikipela tok amamas na tu gritings bilong mi long ol lain femili bilong mi long Karkum viles long Madang provins.

Mi save olsem long nau yet planti i wok long redim ol progrem bilong amamasim Krismas wantaim femili na tu ol viles komyuniti. God i ken blesim yupela.

Yes, Krismas em taim bilong yumi ol femili i bung na serim kaikai na stori na tu soim wan-bel na pasin bilong amamas wantaim. Em taim bilong tingim olsem Jisas Kraus i kamap long graun long sevim yumi long pasin bilong sin na bringim gutpela laip long yumi.



Sel-kambang bilong Wes Sepik



Rurel eria bai selebretim Krismas long stail bilong en yet. Ol potos: James Kila



Ol tumbuna singsing long Madang







# Holide rot sefti toksave i kam long MVIL

....was gut long Krismas na Nu Yia holide



Pasin nogut olsem man i kalap i go insait long windua taim bai i pulap



Menesing Dairekta bilong MVIL, Dokta John Mua save toktok strong long rot sefti

Dokta John Mua bilong MIVIL i raitim

Krimas na Nu Yia holide taim bai bringim i kam pinis wangepa ful yia bihain long lonsing bilong MVIL 'Rot Sefti-Em i no wangepa Pilai' nesanel pablik aweanes kempein. Dispela kempein em samting we nau mi save olsem olgeta lain i luksave long en insait long ol kolum we bai mi luklik long en long sait bilong gutpela ol samting i kamap olsem hap wok bilong kempein long dispela yia. Tasol long dispela taim, we yumi kam long narapela bikpela de insait long yia em Krismas De, mi bai lukluk long ol bikpela toksave na samting we i go wantaim rot sefti kempein.

Tasol Krismas na Nu Yia Holide em dispela taim long yia we planti ol birua i save kamap long ol rot bilong mipela. Planti lain i save lusim laip bilong ol bikos ol draiva i no save bihainim lo bilong trefik na draiv. Ol draiva, pasindia na ol lain wokabaut long rot mas was gut stret long ol yet, insait long dispela taim bilong Krismas na Nu Yia taim ol traim bilong bikhet pasin i bikpela nau long rot.

Dispela ol skin kirap long dring bia wantaim ol pren long las de bilong wok o pastaim long holide, o sapos yu raun long PMV i pulap tru na i spit long karim femili i go long haus kwiktaim. Wanem ol kain kain toktok kamap, bikpela samting em long tingim olsem insait long dispela taim we femili na ol lain bilong yu i bikpela samting long laip blong yu, yum as putim bikpela luksave na was long femili na mekim gutpela pasin taim yu yusim rot.

Insait long wok bilong mi wantaim MVIL mi lukim long ai bilong mi stret bikpela namba na rekot bilong ol birua long rot na tu ol hevi dispela birua i kamap we i givim pen na hevi long ol femili bihain long birua i kamap. Planti taim dispela em asua tasol i mekim na kain birua i kamap. Sore na hevi i ken go bikpela tru sapos em i kamap insait long Krismas holide taim.

Long dispela mi askim gen olgeta manmeri long tingim ol bikpela samting we kamapim senis we i stap long Rot Sefti kempein – Spit, Dring na Draiv, PMV Pulap Tumas, Sefti bilong ol lain Yusim Rot na tu dispela rait bilong pasindia long toktok egens draiva husat i no bihainim lo bilong draiv.

Long dispela taim mi askim olgeta lain long tingting gut pastaim long ol i kalap long kar insait long holide taim na tingim tu olsem Krismas em gutpela taim tru long laikim wangepa arapela na givim na i no long kisim.

Long makim maus bilong olgeta lain long MVIL mi laik tokim yupela olgeta olsem seif taim long ol rot na Amamas bilong Krismas na Hepi Nu Yia.



Ragbi pilaia Neville Costigan i stap long MVIL kempein "Rot Sefti – Em i no wangepa Pilai"



## ■ ikam long pes 18

Kakaruk projek bilong mipela i kirap gut wantaim Komyuniti Kolis we dispela nau bai stap long han bilong gutpela wok poroman bilong mipela, Katolik Sios. Liklik taim nau bai lukim Wabag taun i konekt wantaim distrik bilong mipela i stap bak-sait tru, Maramuni. Ol risoses na taim tu i shot. Planti samting i kamap pinis tasol planti samting moa tu i stap yet long mekim. Wantaim laik bilong ol manmeri long kamapim wok wantaim bel isi i gat bilip ol projek bai kamap isi.

## FOREN AFEAS, TRED NA IMAIGRESEN

I lusim Foren Afeas, Tred na Imaigresen wantaim amamas bikos long sampela ol gutpela samting i kamap aninit long lukaut bilong mi.

Imaigresen na sitisensip sevises, bikpela tasol divisen we i nogat luksave long em, long dispela yia i kamap dipatmen bilong em yet na nau aninit long lo i ken mekim wok em yet.

Planti senis i kamap long dispela oganaisesen olsem nau em i ken lukautim gut wok long planti ol wok manmeri husat i kam insait long kantri long wok long LNG projek wantaim ol arapela wok we oltaim em i save mekim. Mosbi i konekt wantaim Brisben, Sidni, Manila, Kuala Lumpur na Shanghai na olsem wok i ken kamap hariap tru.

Bikos long ol senis i kamap long wol na long teknoloji, laik nau i stap long senis i mas kamap long foren polisi bilong mipela. Wok glasim i bin go insait long olpela polis na olsem nupela polis i stap pinis long kisim ples long taim mi lusim dipatmen. Foren Polisi bilong mipela nau i givim luksave long

ol bikpela tok olsem klaimet senis, hat bilong san, terorism, bikpela raskol pasin, hevi bilong sik HIV/AIDS na ol arapela hevi wol i wok long bungim.

Long dispela as Foren Sevis i mas wok strong long bungim dispela ol hevi na olsem mi bilip Seketari Michael Maue inap long mekim gut wok. Mi amamas long pinis bilong kamap bilong Foren Polisi pepa bikos riviu tim i gat ol opisa bilong Papua Niugini yet dispela i namba wan taim long mipela i gat ol man bilong mipela yet i kamapim kain pepa olsem bihain long 35 yia Indipendens.

Mi givim tok tenkyu i go long ol konsalten olsem Robert Igara na Profesa Erick Kua. Tok tenkyu i mas go tu long Profesa Ted Wolfers husat i bin wok long bipo foren polisi bilong PNG na i tok amamas kamap bilong dispela nupela polisi.

Namel long yia, PNG i bin opim nupela hai komisen opis long Tokyo, Siapan. Dispela haus em i kamap aninit long lukaut bilong Ambasadore na nau Seketari Michael Maue we Praim Minista Gren Sif Se Michael Somare i opim long Mas na givim nem bilong poroman bilong em Let Se Albert Maori Kiki i go long haus.

Namel long planti samting mipela i mekim, mipela i glasim gen developmen triti wantaim Australia. Dispela em i bikpela wok glasim we i soim rot bilong wok bilong mipela wantaim bikpela poroman bilong mipela long bihain taim. Long dispela mipela i mas kamapim ol gutpela polisi we bain i ken helpim mipela long lusim pasin bilong Aid i go long wok bilong Tred, long pasin bilong kisim i go long pasin bilong givim na bung long wok bilong bisnis na tred. Olsem oltaim mi save tok, gutpela sait bilong helpim em long mekim mipela i no skruim

pasin bilong kisim tasol long pinis na givim samting. Dispela i lukluk mipela i gat long em.

Mipela i mekim planti wok long tred polisi. i no bin gat tred polisi na dispela namba wan wok i gat bikpela mining long taim mipela i redi long mekim senis long pasin bilong Aid i go long Tred. Mi bilip nupela polisi bai redi long stat bilong nara-pela yia.

Mi amamas na i mas tok tenkyu long Seketari Maue, tupela hatwok deputi opisa na olgeta wok manmeri bilong Foren Afeas na Tred. Mi tok tenkyu tu long Ekting Sif Imaigresen opisa Joseph Nobetau na wok manmeri bilong em.

Las tru, mi tenkyu long Honorabel Don Polye olsem olpela Deputi Praim Minista husat i go aut long opis. Em i bin soim gutpela lidasip na olsem mi amamas long wok wantaim em.

Tupela ten tausen krismas i go pinis, heven i bung wantaim graun long wanpela kain pasin em i no bin kamap bipo na bai i no inap long kamap wankain gen. Ol dua bilong heven i op na ol angelo i singim switpela singsing long taim Tok we i stap bipo long graun i kamap man.

Long taim mipela i tingim dispela taim, mipela i mas pulap long amamas tu.

Famili bilong mi na mi yet i wisim yupela olgeta gutpela na amamas Krismas.

Mi bilip olsem sisen bilong Krismas i kamapim gutpela taim na amamas.

**Samuel T Abal**

Ekting Praim Minista, Minista bilong Woks na Memba bilong Wabag

# Bisop bilong Pot Mosbi

## Krismas Toktok bilong Engliken Bisop Peter Ramsden

LONG dispela taim bilong yia planti nesenel lida na ol lida bilong sios i mekim toktok bilong Krismas. Tasol namba wan Krismas toktok i no kam long wanpela man o meri. Namba wan Krismas toktok i kam long Papa God yet.

Yumi ridim long gospel bilong Luk olsem taim wanpela enjel i bringim tok i go long ol wasman bilong sipsip na i tokim ol olsem: "Noken poret. Mi kam wantaim gut nius long yupela, em bai bringim bikpela amamas long olgeta pipel. Long dispela de nau long taun bilong David wanpela Sevia em mama bai karim em – Krai em Lod." (Luk 2:10-11). Dispela em tok we i kam long mipela long God na i givim givim gutpela skul long mipela long bipo yet inap tude.

Toktok bilong God i pulap long pasin bilong laikim bikos God i save laikim na tingting tumas long yumi ol manmeri long graun na i statim toktok bilong em olsem "Yupela noken prèt". Dispela tok

i pulap long amamas bikos em i tokim yumi olsem God i kam stap namel long yumi olsem wanpela long mipela insait long Jisas Krai. Dispela tok i pulap long bilip o hop bikos Jisas em Sevia, na wanpela husat bai sevim mipela long pawa bilong sin na dai. Tok bilong God long mipela long Krismas em namba wan tru na i pulap long laikim, amamas na hop. Insait long graun we planti kain kain tingting i stap, hevi na trabel tu i stap, yunmi mas harim dispela tok bilong God we i gat gutpela mining long em.

Ol Sios long PNG na long wol i save song bilong ol enjel long amamasim Krismas nait olsem bekim bilong tok bilong God. Mipela i singim song "Glori i go long God long antap na bel isi long ol manmeri long graun!". Olsem na tok bilong ol sios em namba wan long givim glori long God na namba tu long promotim na karimaut wok bilong bel-isi long graun.

Ol lida long politiks na bisnis, insait long komyuniti na ol sios i gat spesel wok long promotim pasin bilong bel-isi long pasin bilong ol wan wan na tu long wok bilong ol olsem lida husat i go pas long ol arapela. Tasol olsem tok bilong God i go long olgeta man na meri husat i kisim na holim pasim tok, em i gat givim glori long God na promotim bel-isi long graun namel long ol manmeri,

Olsem na, olsem tok eksampel, yumi noken sanap long sios na singsing "Glori i go long God i stap antap na bel-isi i go long ol pipel long graun" na go long haus na paitim ol memba bilong femili bilong yumi. Pasin bilong paitim wanpela arapela i no gat ples insait long wanpela Kristen femili. Dispela wait ribon kempein we i kamap i no long taim i go pinis i mas kisim moa sapot i kam long ol Kristen manmeri long PNG. Long wan kain taim tu dispela Kristen Lidas Alaiens long HIV/AIDS we i kamap i no long taim i go pinis i nidim

olgeta sapot bilong olgeta Sios memba long bringim ol toktok bilong bel-isi i go long lain pipel na tu ol lain i stap nau wantaim HIV/AIDS na ol dispela lain husat i wok long dai long HIV/AIDS.

Planti pipel i givim planti toktok bilong Krismas, tasol em toktok bilong God long wan wan Krismas taim we em bikpela samting tru. Yu yet ken ridim long Santu Luk sapta 2 na mas tenkyu olsem dispela em toktok bilong laikim, amamas na bilip i kam long yu. Wanem bai yu bekim i go long tok bilong Papa God? Bekim bilong mipela em long stap gut long laip bilong mipela. Mipela mas joinim ol Kristen manmeri long givim glori i go long Papa God long antap, na mipela mas bringim bel-isi i go long ol femili bilong mipela na promotim bel-isi insait long dispela kantri.

Gutpela amamas na bel-isi bilong Krismas i go long yupela olgeta i kam long Engliken komyuniti long PNG.

**bemobile is bringing your home province closer to you**

Text your region to 1999 for your daily updates

PLUS, go into the draw to win an HTC Diamond 2 & 200 mins talk time, bemobile to bemobile only

- for Momase - MOM
- for New Guinea Islands - NGI
- for Highlands - HIG
- for Southern - SOU



Valued over K2,000

**bemobile** mipela bilong yu



# Memori bilong Krismas long Erima Peris



Fr Paul Liwun SVD i raitim



SAMPELA yia i go pinis, mi bin stori long yupela olsem wanem mi bin selebretim nambawan Krismas bilong mi long Hailans bilong PNG. Mi bin pilim narakain stret wantaim Krismas long ples bilong mi na tu narakain tru wantaim Krismas mi bin selebretim long Sen Peter Sanel Peris Erima long Nesenel Kapitel Distrik. Inap long 12-pela yia olgeta mi bin stap long Erima (1998 -2010).

Olgeta yia, mipela i selebretim Krismas long Erima wantaim narakain stail bilong em yet. Namba wan Krismas bilong mi long Erima i bin kamap long 1998. i nogat planti samting mipela i bin wokim bikos mi stap nupela yet. Wanpela samting mi tingim yet em i Sikret Pren o poroman. Olgeta Liteji na spiritual grup i save selebretim Krismas wantaim long pinisim ektiviti bilong ol long yia. Sampela i save singautim mi long wokim misa wantaim grup bilong ol. Wan wan memba i pikim sikret pren na baim wanpela presen long em. Olgeta memba i kisim wan wan presen long sikret pren bilong ol. i nogat wanpela i no kisim presen. Olgeta i amamas na pinis wantaim bung kaikai. Dispela pasin i stap strongpela yet inap long tude.

Sampela yia bihain mipela i bin wokim Krismas kerol na Krismas pilai inap long tude. Long wankain tai, mipela i kamapim Fada Krismas long givim presen long ol pikinini. Olsem na ol pikinini i amamas tru long taim bilong Krismas. Gutpela pasin bilong pikinini i save mekim papamama i baim presen na givim long Fada Krismas na em i givim long ol pikinini. Sapos sampela pikinini i no kisim presen long Fada Krismas, peris yet i save redim loli o soklet o aiskrim na Fadar Krismas i givim long olgeta pikinini.

Dispela pasin bilong helpim ol pikinini long wokim gutpela wok na soim gutpela pasin long papa mama. Olgeta taim Fada Krismas i givim las tok bilong em olsem: "sapos mi harim gutpela ripot bilong papa mama bilong yupela olsem yupela i save harim tok na mekim gutpela wok.....neks yia bai mi kam bek gen. Sapos mi harim yupela i soim pasin nogut, mi bai i no inap kam bek next yia".

Sampela taim mipela i wokim Krismas kerol na drama insait long haus lotu bipo long Misa. Mipela i save wokim singsing inap long 11pm na wokim Lotu Misa bilong Krismas nait. Olsem na mipela i save i gat biknait Santu Misa long Krismas nait. Sampela taim mipela i wokim Krismas Kerol na Krismas pilai long fron bilong haus Lotu. Dispela i save kamap wanpela nait bipo long Krismas. Planti papa mama na

pikinini i amamas long wokim drama na singsing Krismas Kerol wantaim kendel lait.

Wanpela samting mi amamas long **Krismas krip bilong Erima peris** (Foto: Fr. Paul Liwun SVD)

Erima em i manmeri bilong em i kam long olgeta kona bilong PNG. Wan wan wanpin grup wantaim stail bilong em yet i save soim kala bilong ol. Bipo mi lusim Erima las Julai, i gat strongpela komyuniti na spiritual grup i stap we i save serim wanpela o tupela aitem long taim bilong Krismas kerol. Sampela taim olgeta manmeri i singsing wantaim (sing along).

Dispela em i stori bilong selebretim Krismas wantaim manmeri bilong Erima. Tasol planti taim tu, mipela i save go aut na selebretim Krismas wantaim narapela manmeri i stap long haus sik, long Chesair Hom long Hohola, o manmeri long kalabus long Bomana. Wanpela taim mipela i bin inaitim ol kalabus

manmeri i kam na selebretim wantaim long Erima. Bihain long santu Misa, mipela i gat kaikai na singsing wantaim insait long peris hall. Em i wanpela spe-

sel de tru bilong manmeri bilong Erima wantaim ol kalabus manmeri.

Dispela emi liklik sering bilong mi taim mi wok olsem peris pris long Sen Peter Sanel Peris Erima. Mi bilip olsem dispela gutpela pasin i bin stap strong pinis, ol i bai bihainim yet na mekim em i kamap strong moa yet.

### Stori bilong Kantri Brasil:

Sr. Grace Maia SSpS wantaim sampela pikinini i redi long pilai Krismas drama (From Sr. Grace's Facebook)

IGAT wanpela pren bilong mi, Sister Grace Maia SSpS, bilong Is Timor tasol wok misineri long kantri Brasil. Em i bin serim wanpela gutpela stori olsem wanem em i lidim wanpela grup bilong

pikinini long selebretim Krismas. Dispela grup bilong pikinini em i olsem wanpela grup misineri bilong ol pikinini. Em i bin kamapim long mun Julai 2010. Ol i save wokim planti wok misin insait long peris na siti bilong ol.

Wanpela wok misin ol i wokim long selebretim Krismas wantaim ol ofen o ol pikinini we papa mama bilong ol i dai pinis. Olgeta i stap long wanpela haus (orphanage). Sister Grace i go pas long-gol i go lukim dispela pikinini na selebretim Krismas wantaim. Ol i pilai Krismas drama, singsing Krismas kerol na pilai wantaim ol pikinini. Ol i bringim planti krismas presen i go long pikinini i stap long orphan haus.

Bihain long selebretim wantaim ol ofen, dispela grup i go na selebretim Krismas wantaim ol bas draiva bilong siti bilong ol. Taim ol pikinini i kamap, olgeta bas draiva wantaim bos bilong ol i wetim ol pinis na welkamim ol wantaim bikpela amamas. Ol i welkamim pikinini na i go insait long wanpela bikpela hall. Long hia pikinini i stat long wokim Krismas pilai na singsing krismas kerol.

Long pinisim Krismas selebren wantaim olgeta bas draiva, ol i bin selebretim Santu Misa na pikinini i lidim choir long taim bilong misa. Olgeta bas draiva i amamas tru bikos ol i gat gutpela taim bilong selebretim Krismas wantaim dispela pikinini. Olgeta de ol i save bisi draivim bas long painim moni, tasol tude em i gutpela taim bilong ol long selebretim Krismas.

Tasol pikinini i no inap givim presen long bas draiva bikos olgeta presen ol i bin givim long ol ofen long narapela haus.

**Meri Krismas long yupela olgeta.**





# Katolik HIV/AIDS Nesenel

## Ofis lukim gutpela 2010



DISEMBA i kamap gen nau na yumi kamap long pinis bilong yia 2010 na yumi tingting planti tru olsem wanem dispela 10-pela yia i kam kamap olsem.

Wantaim Krismas i stap long dua bilong yumi long Nesenel Katolik AIDS opis mipela i amamas na redi long salim tok amamas bilong Krismas na tu Nu Yia gritings bilong 2011 i go long yupela olgeta.

Mipela i bilip olsem planti kain kain edvataismen i wok long toktok long makim Krismas na tu bai i gat sampela taim long tingim Papa God na bikpela laik bilong em long yumi ol manmeri long graun. Dispela laik bilong God i gat stap klostu long yumi ol manmeri insait long selebresin bilong Krismas long wan wan femili na pren bilong yumi olgeta.

Dispela yia 2010 em wanpela gutpela yia na i lukim planti gutpela samting i kamap long Nesenel Opis na tu insait long ol Daiosis. Insait long dispela yia Sister Tarcisia i go ovasis long rikriesin liv bilong em. Long wokabaut bilong em i go long kantri Jemani, em i mekim stop long bikpela siti bilong Thailen ol i kolim Bangkok we em i stap insait long Intanesenel Katolik HIV Netwok miting.

I bin gat tu nrapela ovasis wok raun em Progrem Menesa bilong mipela i stap long en. Wantaim ol memba bilong Dipatmen bilong Helt na UNICEF ol i go long kantri Zambia long stadi long Mama i go Mama Progrem. Dispela i min gutpela mama sapot i go long ol mama husat i gat sik HIV. Dipatmen bilong Helt i askim mipela long helpim ol long bringim kamap dispela progrem long kantri long painim rot long traim stoim HIV long Mama i go long Pikinini.

Long Daiosis level, spesel luksave mas go long Mt Hagen Asdaiosis. Bihain long ol i kamapim nupela ARV tritmen senta, em ol i kamapim histori. Namba bilong ol lain i stap wantaim HIV we ol i kisim rekot long "Pren Klinik" nau i stap moa long 1200. Rebiatul em bikpela Tritmen Klinik na i gat planti wok tru long mekim.

Mendi na Wabag Daiosis i lukim namba bilong ol tritmen long ol lain i gat HIV i go sntap na tu Mingende i spesel luksave long Banisim Papamama i go long Pikinini Trensmin bilong HIV. Mingende i gat 25-pela lain i gat HIV em ripot stap pinis long ol Mama i rejista long 2009-2010. Olgeta dispela lain i go insait long projek ol i kolim "Born to Live". Bihain long ol i kisim tes bihain long 6-pela mun na bihain long 1-yia olgeta bebi tes i painimaut olsem ol i nogat HIV.

Yunaited Nesens lukluk long daunim na pinisim HIV long 2015. Long dispela as tasol Sister Tarcisia i go long kantri Laos long mun Novemba wantaim ol memba bilong UNICEF na Dipatmen bi-



**Kaunsela i sekim blut long meri husat i kam long VCCT.**

long Helt long stap insait long UN Task Fos miting long stopim pediatric HIV. Em i bin givim Kantri Ripot bilong PNG we i gutpela stori i kam long Mingende em UNICEF i putim daun long ripot bilong ol na i givimaut.

Insait long dispela yia tu i lukim planti kaunseling na testing i kamap na mipela i givim dispela sevis long mak olsem 50,000 manmeri insait long Katolik netwok bilong mipela. Planti ol lain wantaim HIV i statim pinis ol ARV tritmen bilong ol. Dispela em nupela kain rot o plen bilong banisim HIV mipela i yusim. "Mekim Tes na Kisim Tritmen" em sait bilong yu. Dispela em bikpela het-tok bilong Intanesenel AIDS Konferens long Vienna long mun Julai we Sister Tarcisia

i go stap long en na mipela save bihainim dispela het-tok strong tru.

Mipela i pinisim tu sampela moa VCCT na tritmen senta olsem Senta long Kimbe, Kavieng, Vanimo na Sipai long Bogenvil. Nupela senta long Buin bai pinis long 2011. Olgeta dispela i kam wantaim salens long mipela long Nesenel Katolik AIDS Opis. Projek Menesa bilong mipela i lusim wok na Global Fan Audit bilong PNG na opis bilong mipela i lukim mipela i mekim planti wok tru.

Mipela i kisim wanpela projek menesa long wok long "Born to Live" progrem bilong mipela na mipela i bilip long kisim wanpela Fainens Menesa bipo long Krismas. Mipela i givim spesel luksave long Kaunseling bilong ol Marit long dis-

pela yia na nupela wok bilong Dipatmen bilong Helt. Mipela i gat sampela ol lain treina bilong dispela projek na mipela i gat bilip trening bai kamap insait long 4-pela rijen long kantri.

HIV Seketeri bilong Kiunga, Sister Julienne bai kamapim nupela trening bilong ol VCCT kaunsela insait long progrem ol i kolim "Channels of Hope". Dispela trening bai bringim nupela tiologji skul long sait bilong kaunseling. Olgeta dispela plen na progrem bai mekim mipela bisi tru long visin na misin bilong mipela.

Reverend Bisop Steve Reichert, Bisop Deputi bilong HIV em ol i makim em olsem Asbisop bilong Madang. Bikpela tok amamas na ol prea bilong mipela i stap wantaim em long dispela taim. Ol lain bilong mipela wantaim HIV long Mendi Daiosis i misim em tru bikos em i mekim dispela wok long sait bilong helpim ol lain wantaim HIV na edvokesin wok long Mendi. Tenkyu tru Bisop Steve.

Tok amamas i go long ol dia pren, ol Patnas long Global pait egensim HIV, mipela tok tenkyu long olgeta sapot yupela i givim long sait long teknikal, fainensal na long spirit.

Bikpela lukluk bilong mipela em long 2011 mipela bai lukluk long givim gutpela sevis na mekim wok strong long pait egens HIV na i lukim gutpela samging i kamap long lokal eria bilong mipela.

Tok amamas, blesing bilong prensip na gritings bilong Krismas Sisen i go long yupela olgeta i kam long mipela long NCAO.



**Yumi olgeta i mas banisim HIV long kamap ol pipel bilong yumi**



# Krismas stap krangki

## Matyu 2:1-12

**TAIM yumi ridim Krismas ridim Krismas stori yumi save lukim ol nem we i save bringim gutpela amamas long yumi. Namba wan long en em bebi Jisas. "Holi pikinini we i gutpela na nais." Yumi ken tingim wanpela naispela pikinini i slip isi tru long ples bilong ol pikinini sipsip. Samting true m, yumi save gat naispela filing long kain pikinini olsem.**

I gat tu nem olsem Joseph na Maria husat i yangpela tasol ol lain i bihainim lo stret olsem ol manmeri bilong Juda. Ol i save harim tok bilong gavman bilong ol na wokabaut longpela rot tru long ples bilong ol Galili i go long Betlehem long putim nem long sensus. Yumi bai pilim sori liklik long ol bikos wanpela ples tasol we ol i ken malolo long en em long haus slip bilong ol enimal tasol ol i no wari ol i laik givim gutpela ples we namba wan nupela pikinini bilong ol i ken kamap.

Narapela gutpela nem em ol wasman bilong sipsip. Ol dispela liklik lain husat i no go long bikpela skul em ol lain bilong ruel eria. Em isi long gat luksave long ol dispela lain bikos ol i gat sans tru long wanpela enjel bilong heven i bringim tok long ol. Maski olsem ol i no harim gut wanem toktok enjel i givim long ol, ol i no abrus long bihainim tok bilong enjel. Baibel i tokim mipela olsem ol wasman ya i kirap na hariap tru long go long Bethelhem we ol i painim Jisas antaim Maria na Josep. Em gutpela long ol i harim tok bilong Bikpela na bihainim.

Yumi kamap tu long ol saveman, husat i raun long longwe ples tru long go long Jerusalem na bihain i go kamap long Bethelhem. Yumi no save wanem kantri tru ol i kam long en, tasol ol dispela saveman i laikim tru long lukim bebi Jisas em ol i bilip bai kamap olsem

King bilong ol Juda (ves 2). Em isi long mipela long luksave long dispela ol saveman.

Na bihain yupela kam long dispela man husat klostu laik bagarapim Krismas pati. Dispela man em King Herod, husat i "Putim Krismas Krangki". Insait long ol histori buk King Herod e mol i save kolim em "Herod the Great". Ol i raitim olsem King Herod i lukautim Jerusalem long 37 BC i go 4 BC. Bikpela wok dispela king i wokim em long sait bilong wokim kamap bikpela siti, rot na wara saplai. Biknem bilong em i no stap long wok bilong sios duti, maski olsem em i statim wanpela bikpela projek long wokim na stretim gen Jerusalem Tempel we bihain ol i kolim olsem 'Tempel bilong Herod'. King Herod em mipela save i no gat lain i save laikim em insait long ol Krismas stori.

Kamap bilong Jisas i mekim ol saveman i go longpela rot tru. Long narapela sait i lukim kamap bilong Jisas i mekim King Herod i bel hat tru. Em i pilim olsem posisen em i gat olsem king em nogat narapela lain i mas kisim, em i ting God i givim dispela sia long em. Ol saveman i pulap long amamas tru taim ol i lukim star i lait taim ol i lusim Jerusalem na go olsem long Betlehem. King Herod i bel kaskas tru na em i jeles tru. Taim ol dispela saveman i lukim bebi Jisas bel bilong ol i pulap long amamas na ol i givim presen long em. Taim King Herod i harim tok bilong bebi Jisas em i salim tok pret long kilim em. Taim ol saveman i go insait long haus we bebi Jisas i slip long en ol dispela saveman i brukim skru na lotu long em. Long narapela sait King Herod i salim tok long ol soldia bilong em i liklik ol bebi.

King Herod em wanpela man tasol em nem bilong em i go daun long histori olsem trabel man tru long

Krismas stori. Dispela em bikos em i putim 'Krismas krangki'. Dispela em wanpela lesen long mipela long save. Planti pipel bai kisim bagarap taim ol i spak, kar i bam long rot na pait nabaut, taim ol i kisim 'Krismas Krangki'. Taim ol pipel i selebret long Krismas olsem, ol bai kisim bagarap.

God i no laik lukim olsem selebresin bilong Pikinini Man bilong em bai lukim ol man i spak, simuk spak-brus na hom-bru na pait na mekim ol pasin nogut. Ol dispela lain husat i mekim olsem em selebretim 'Krangki Krismas' stret.

King Herod na ol pasin bilong em long namba wan Krismas i min ol pipel i holim atoriti long komyuniti, long Gavman na tu long ol Sios. Dispela em ol pipel husat i save tingim ol yet na save amamas long biknem na i no redi long kisim Kraiss olsem Lod. Sori tru olsem sampela taim ol lain pipel bai mekim kain kain samting long stap long pawa olsem King Herod. Taim dispela kain samting i kamap ol gutpela lain long komyuniti, insait long Sosaiti na tu long Sios i save kisim bagarap wankain olsem turangu ol pikiniji em King Herod i kilim ol i dai.

God i ken helpim yumi long noken mekim krangki Krismas. Selebresin bilong yumi long Krismas mas stap wantaim bel-isi na amamas, na Glori i go long God long Antap na Bel-isi kam long manmeri long graun em amamas bilong en i stap long ol". (Luk 2:14)

**Andrew Kalai**  
Komisina  
Teritorial Komanda.  
Salvesin Ami







# SPOOTS



Isu 1897

Wan wik: Fonde, Disemba 23, 2010 - Janueri 5, 2011.

## Wokmanmeri bilong Wantok Niuspepa itok Meri Krismas na Hepi Niu Yia long yupela olgeta



overlander 4WD OF THE YEAR AWARDED TO TRITON GLX-R 4x4 THE FIRST UTE TO WIN THIS AWARD



## L200 4X4 DIESEL

2.5 litre hi powa turbo disel

- DRAIVA NA PASINIA AIRBAGS
- 16" ALLOYS
- SUPA SELECT 4WD
- 5 SPID MANUAL
- MULTI FUNCTION DISPLAY WANTAIM TRIP COMPUTA
- ABS WANTAIM EBD



### BOROKO MOTORS

**HEAD OFFICE**  
PORT MORESBY PO Box 1259,  
Boroko Cnr Waigani Drive &  
Cameron Road, Gordons.  
Ph: 325 5111 Fax: 325 5301

**BRANCHES**  
PORT MORESBY 325 5255  
LAE 472 1144  
MTHAGEN 542 1933  
TABUBIL 649 9048

RABAUL 982 8193  
MADANG 422 2659  
KIMBE 983 5035  
GOROKA 532 3552

**EMAIL & WEBSITE**  
info@borokomotors.com.pg  
www.boroko-motors.com







Program bilong Wanwan De

Mande - Fraide

6am - 10am - Sankamap show - Host: K.A.S.T
6:15am - Komuniti Notis Bod
6:30am - Nius Hetlains / Bondei grittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Ston b'long Skelim Tingting
8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - Trukai Rais - GES FAIA KOMPETISEN

9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Conf'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde/ Fonde) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta

3:10pm - Avinun cruz
4:00pm - Nius - YUMIFM Senta
4:10pm - "FOAPELA KAM GUD LONG 4"
4:30pm - Nius Hetlains
4:45pm - YUMI PANIM WOK Segment
5:00pm - MAJOR Nius BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR Nius BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz ( ol lain brukim tulait shift)
- Musik / Request / Tok pilai
- Kipim Kampani long ol nait shift.

Weekend Shift - Saturday & Sunday
6:00am - 11:00am - Wilken Sanrahs
6:30am - Komuniti Notis Bod - Bondei grittings
7am - 9am - Wilken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)

YUMIFM POROMAN TEAM:
Turner (KAS.T) Anifae - Team Leader / Program Director
Angra KENNEDY - Senior Announcer
Sinimil (Vaviessie) Philipo - Promotions Co ordinator
Papa Raegs - Announcer Nenge Neings - Announcer
Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karent Afes
8PM Helt
8.15PM Musik
8.30PM NUIS
8.40PM Spots Riplei
8.55PM Musik
9PM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Mama Graun
8.15PM Musik/Spots
8.30PM NUIS
8.40PM Helt Riplei
8.55PM Musik
9PM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Focus
8.15PM Musik/Spots
8.30PM NUIS
8.40PM Mama Graun Riplei
8.55PM Musik
9PM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Youth
8.15PM Musik/Spots
8.30PM NUIS
8.40PM Focus Riplei
8.55PM Musik
9PM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Wantok
8.15PM Musik
8.30PM NUIS
8.40PM Youth Riplei
8.55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Redio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas

Raun wantaim Wantok kru ...

Lukluk Go Bek Long 2010 Entateinmen

Entateinmen kona i lukluk go bek long 2010, na ol samting i bin kamap long sait bilong amamas na moa yet long sait bilong musik, Bai yumi stat long namba wan Mun na kam long pinis bilong em long Disemba.

Mun Janueri i stat bilong nupela yia, na bihain long ol amamas pinis long Kris-mas na Niu Yia, olsem na ol manmeri i stap isi na i no mekim wanpela samting tumas long sait bilong entateinmen.

Febueri, BJ Nagura em wanpela nupela grup bilong ol yangpela mangi Bogenvil na Sentrol wei ol pilai laiv long sampela provins insait long kantri. Dis-pela mun tu i lukim Phonix Studio long

Madang i kamautim sampela nupela albam bilong ol, Bikpela skrin tu i bin stat long Mosbi long mun Febwari.

Olgeta yia long mun Epril, Tok Pisin redio station Yumi FM save mekim bikpela awod nait bilong luksave long ol musik manmeri bilong yumi long kantri, Dispela mun planti long ol musik manmeri save redim ol yet taim ol save olsem singsing bilong pairap long dispela redio.

Long mun Mei wanpela memba bilong palamen, Timothy Bonga i bin bungim sampela musik man bilong kantri na kisim ol go tambolo long Australia long pilai long

APRA, Tu lid gita man na biknem musik man, Lista Laka, husat i bin go long Austalia long APRA i painim helpim long haus bilong em tu i bin paia long dispela mun.

Mun June i bin lukim tupela mama na pikinini, Dani na Marcia Haines, i kam pilai o singsing long mekim mani bilong Operesen Opim Lewa long Mosbi.

Long mun Julai olupela ben bilong PNG, Painim Wok Ben, bilong Rabaul kam mekim wanpela so long Mosbi long helpim ol long kam bek long musik bilong PNG.

Oktoba em wanpela mun we planti ol manmeri husat save

bihainim king bilong Pasifik musik Patti Doi, pilaim las so bilong em long Mosbi na tok olsem em bai malolo liklik long pilai laiv bihain tasol long em kam bek wantaim grup bilong em long Saina.

Novemba na Disemba em tupela mun bilong karioki, Planti ol yangpela i gat sans long traimek bilong ol long dispela tupela mun, Wanpela yangpela pela meri Niu Ailan na Sentrol kisim bikpela mani long nek bilong em tasol long Ela Beach Hotel. I gat wankain resis long Lamana na Digicel Stars tu em ol wankain resis tasol.

93.5 FM YUMIFM National Weekly Hit Parade: Sponsor: Digicel - bigger, better network. Produced & Hosted by: Kary. Includes a chart table with columns for Week, Last Week, This Week, Charting Song, and Artist.



Tupela mama na pikinini, Dani na Marcia Haines, i kam pilai o singsing long mekim mani bilong Operesen Opim Lewa long Mosbi.

EMTV Television Guide

FONDE, DISEMBA 23 2010
5.00AM G ENJOYING EVERY DAY LIFE with JOYCE MEYER Religious Program
5.30AM G TODAY
9.00AM G MALOLO CLUB
Holiday school specials - keep your kids entertained throughout the holiday season.
11.00AM G AUSTRALIA NETWORK STATION OPEN
KIDS KONA
3.00PM G MAGICAL TALES
3.30PM G HI-5
4.00PM G STREETSMARTZ
4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G MILLIONAIRE HOT SEAT
6.00PM G NATIONAL EMTV NEWS
6.30PM G A CURRENT AFFAIR
7.00PM PG RBT
7.30PM PG RAIT MUSIK
7.27PM G EMTV TOK SAVE
8.00PM PG ELITE MUSIC ZONE
8.30PM PG RESCUE SPECIAL OPS (SERIES PREMIERE)

FRAIDE, DISEMBA 24 2010
5.00AM G ENJOYING EVERY DAY LIFE with JOYCE MEYER Religious Program
5.30AM G TODAY
9.00AM G MALOLO CLUB
Holiday school specials - keep your kids entertained throughout the holiday season.
11.00AM G AUSTRALIA NETWORK STATION OPEN
KIDS KONA
3.00PM G MAGICAL TALES
3.30PM G HI-5
4.00PM G STREETSMARTZ
4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G MILLIONAIRE HOT SEAT
6.30PM G A CURRENT AFFAIR TOP SOIL (Final)
7.00PM G IN MORESBY TONIGHT
7.27PM EMTV TOK SAVE

SARERE, DISEMBA 25 2010
8.00PM G PREMIERE SPECIAL EVENT CAROLS BY CANDLELIGHT Celebrate the spirit of Christmas with Vision Australia Carols by Candlelight. Join our hosts Karl Stefanovic and Lisa Wilkinson and all of our great performing artists on this very special night filled with all your favourite carols and Christmas songs.
10:30PM G KING OF QUEENS
11.00PM G NATIONAL EMTV NEWS REPLAY
12.20PM AUSTRALIA NETWORK
2.59PM AUSTRALIA NETWORK
3.00PM G MXTV
3.30PM G ENCORE PRESENTATION CAROLS BY CANDLELIGHT Celebrate the spirit of Christmas with Vision Australia Carols by Candlelight. Join our hosts Karl Stefanovic and Lisa Wilkinson and all of our great performing artists on this very special night filled with all your favourite carols and Christmas songs.
6.00PM G NATIONAL EMTV NEWS
6.30PM G 2010 PRIME MINISTER'S

CHRISTMAS MESSAGE
6.45M PG AUSTRALIA'S FUNNIEST HOME VIDEO SHOW SUMMER SERIES
7.55PM G EMTV TOK SAVE
8.00PM PG FAMILY HOLIDAY MOVIE: UNACCOMPANIED MINORS (2006) A group of unaccompanied minors bond while snowed in at the Midwestern Hoover International Airport during the holiday season and ultimately create a makeshift holiday themselves. Stars: Lewis Black Quinn Shepherd, Dyllan Christopher. (PREMIERE MOVIE)
10.00PM G RAIT MUSIK (FINAL)
10.50PM G 2010 QUEEN'S CHRISTMAS MESSAGE
11.00PM PG ELITE MUSIC ZONE
11.30PM G NATIONAL EMTV NEWS REPLAY
SANDE, DISEMBA 26 2010
6.29AM STATION OPEN
6.30AM G IT IS WRITTEN
7.00AM G HILLSONG
7.30AM.....AUSTRALIA NETWORK.....
9.00AM G THE ASHES: FOURTH TEST \*LIVE\* AUSTRALIA v ENGLAND

Day 1 - AM Session - MCG, Melbourne.
11.30AM G THE CRICKET SHOW \*LIVE\*
12.00PM G AUSTRALIA v ENGLAND \*LIVE\*
Day 1 - PM Session MCG, Melbourne.
5.00PM PG WWE AFTERBURN
6.00PM G NATIONAL EMTV NEWS
6.30PM PG RANDOM ACTS OF KINDNESS
Random Acts of Kindness - a touching, joyous surprise tribute series to people with hearts of gold - grant wishes and makes dreams come true each week for someone special who deserves recognition for giving their all to deserving people or causes.
7.30PM G 60 MINUTES Best Of....
8.30PM PG SUNDAY NIGHT MOVIE: THE NOTEBOOK (2004) Drama/Romance -Teenagers Allie and Noah find themselves in a whirlwind intimate courtship that is ended by Allie's upper-class parents. Years later they meet again and their relationship rekindled forcing Allie to choose between her desires and those of her parents. Stars Rachel McAdams, James Garner, Gena Rowlands, James Marsden and Ryan



TORO



BIABIA



KANAGE



TOKWIN

Madang 'pot hol' taun

Madang taun i gat planti pot hol tru nau insait long planti ol rot long taun na planti lain i wok long laik senisim nem olsem 'Beautiful Madang' i go kamap 'pot hol' Madang. Gavana na memba bilong Madang i stap we tru.

Spakman pulap long krismas lait

Planti ol spakman insait long Mosbi i wok long pulim lain i go long Jack Pidik Pak long 5-mail long harim ol musik i kamap long stes em Gavana Powes Parkop i wokim long selebresin bilong ol Krismas. Planti lain i lusim ol kamera na mobail fon pinis long han bilong ol dispela spak man. Ol sekuriti na polis i stap we?

Wantok Niuspepa gritings

Wantok Niuspepa long dispela taim i laik tok amamas long ol-

geta lain klaien na ol lain husat i save amamas long ridim pepa long dispela Krismas. Wantok i givim hepi Niu Yia 2011 gritings long yupela ol-geta. Lukim yupela long neks yia. Tripela pani man bilong Wantok niuspepa, Toro, Biabia na Kanage tok Meri Krismas na Bikpela Hepi niu yia i go long yupela ol-geta!

Tokwin Tasol...

TELEPON LAS DEI PONK SERILM KOPI MASINON IMOLFARB EYONDEMTU DETOMERETIMOSPOIL ASCORNKTERIMYUSSA KONPRENSRUMUPOIBT SCRINTYNMETRIKAOL HIPIPHUVERAYDROSTI NVWOKMERISSOLIKL ITSANDYPPIOMIKSKIA SERTUPINOPSENAOBI ALIARIWOKMANWABOS MISIARPKINIMERPIS AONIPNERTINGKKLEI RTREEAIPIPMARDUSP AUOPISTEBOLFRILBO WQSA CVNKBNOPELET

PAINEM OL NEM BILONG OL SAMTING INSAIT LONG OPIS: TELEPON KOMPYUTA FEKS MASIN PRINTA TELEPON BUK OPIS TEBOL OPIS SEA NOTIS BOT PEPA BUK PEN TOILET KONPRENS RUM KONPRENS TEBOL WOKMAN WOKMERI KOPI MASIN WARA MASIN BOKIS AIS DRAM PEPEA

8 5 7 4 8 6 1 2 6 7 4 5 9 7 5 7 5 6 5 1 8 6 9 7 5 8 4 3 6 2 7 1 5 7 5 4 2 4

2 3 6 5 7 8 9 1 4 4 1 9 2 6 3 7 5 8 7 5 8 4 5 6 2 3 6 4 8 2 7 6 3 4 1 1 5 3 8 2 4 7 5 2 7 4 3 3 8 6 2 6 2 0 1 2 9 8 9 7 4 1 5 6 3 3 1 4 1 8 2 9 5 8 7

Ansa bilong las wik Sudoku

TOYOTA IKUZUS MKAWASAKI R EI T E RAT O T C S S N BRAVO E U I U N D F B K R R A I E H I F I P A H S H J S B O A H K U N G N I N C S I G b E T T E N A V b O A M S U F I A D Z A M V O L K S W A G O N

Ansa bilong las wik Pasol

EMTV Television Guide

Table with 4 columns: Time, Channel, Program Name, and Description. Rows include programs like 'HILLSONG', 'NATIONAL EMTV NEWS REPLAY', 'THE CRICKET SHOW', 'THE ASHES: FOURTH TEST', 'AUSTRALIA v ENGLAND', 'MILLIONAIRE - HOT SEAT', 'CRIME STOPPERS', 'THE WORLD AROUND US', 'THE CRICKET SHOW', 'NATIONAL EMTV NEWS', 'THE ASHES: FOURTH TEST', 'AUSTRALIA v ENGLAND', 'MILLIONAIRE - HOT SEAT', 'CRIME STOPPERS', 'THE WORLD AROUND US'.



# PULAPIM TRU PMV Em i no wanpela PILAI

Pulapim tumas PMV em wanpela bikpela as tru bilong ol birua we i save kamapim dai long rot long PNG long olgeta yia. Sapos yu wanpela PMV draiva o wanpela pasindia na yu luksave olsem PMV em pulap tru na yu putim laip bilong yu na ol arapela long birua. Em taim nau long tingting strong long ROT SEFTI – em i no wanpela PILAI



## NOKEN TRU PULAPIM PMV

Ridim ol PMV mak o sain long karim pasindia

**ROT SEFTI  
em ino wanpela  
PILAI**



A road safety initiative by



MVA-968.com 2010/12/23/PC-Overloading

## Tok pilai wantaim Kanage olgeta wik!!

### Buddy Kanage em bos stret bilong skul Geit!

BUDDY Kanage em wanpela strit mangi long Apo kantri. Edukesen i abrusim em pinis. Em man bilong raun long strit na salim buai na simuk. Liklik wansiling em i kisim em i save tromoi long 6 peks long

Bintangor Trading long Goroka. Long wanem em wanpela ful sapota bilong ol mangi Apo stret - Goroka! Em i nogat famili. Ol wokman i save wetim potnait, tasol Buddy Kanage em nogat. Em i save on long seven de long wik. Yu ting wanem? Kanage, em fit mangi stret, the buai seller. Na wanpela taim em i dring na spak nogut tru na em i kam sanap poromanim skul geit, em buai maket long Goroka. Ol poroman bilong em, ol strit mangi i lukim em na wokim pani long em. Tasol Kanage em i bikpela mangi na olgeta manmeri i save long em. Na em i no wari, em tu i wokim ekstra pani antap gen. Ayo! Maski, bikpela pani na nois tru i kamap. Olgeta manmeri i save em Buddy Kanage tasol! Na i wok long autim tok long ol manmeri. Kain olsem wanpela edukesenis bilong strit. Tasol, maski wanpela poro bilong em i salensim em liklik na em i no wanbel. Em bikpela mangi ya! Na em i tromoi hap Inglis long poro bilong em olsem. "Yu wana salens me. No! no! no! i do not like dizz. Respect 35 and make 34" Man ol manmeri kirap nogut tru olsem Buddy Kanage i save long Inglis tu ya! No ken tra'im Buddy Kanage, Inglis kilimem na stap.

### Mams Kanage, em gel stret

Mams Kanage em on pinis wantaim Live Lavex na gel em i kam sanap wantaim SP wan botol na salim aro bilong dat, em 10t tasol long wanpela spia long Suave maket. Na em i singaut i stap long ol man i kam baim spia na sutim dat long winim wanpela Maggie kiub. Tasol, nogat man i kam. Ol i save olsem em mas on pinis ya. Olsem na

wanpela liklik mangi bilong hauslain i kam long trikim em. Em i kam na kisim tenpela ero long han bilong mams Kanage. Na em i sut i go na ero em i pinis na em i laik go. Na mams Kanage i askim em long mani bilong baim ol spia. "eei boi, mani i kam, yu no baim ero yet" mangi ya, em i ting olsem Mams Kanage em i aut pinis na em i no nap save. Na em i laik trikim mams, tasol mams i save yet. Na boi ya tokim Mams olsem, "Mams, mi traim han tasol ya". Na mam em i Inglis long em. "Eei boy, why and you trick me?" Mams Kanage em gel stret, noken traim em. Bai yu kisim Inglis.

### Paps Kanage - tokaut na tok stret!

Paps Kanage i go long wanpela konpens bilong ol bikman long ovasis, long toktok bilong HIV & AIDS program. Taim e m i stap long konpens, em i bin raun long sait long visit long ol hotel long danis long naif. Konpens i pinis na Kanage i kam bek long PNG, na em i go long haus. Na em i givim ol deti klos bilong em long mama long wasim. Orait, mama i sekim ol poket bipo long putim ol klos igo long wasing masin. Man, mama i kirap nogut tru long painim ol peket bilong kondom long ol trausis poket. Orait em i putim ol peket i stap long rum long soim kanage taim em i kam bek long wok long haus. Long apinun, Kanage i pinis long wok na kam long haus. Orait, ol pikinini i pilai stap autsait long haus. Na mama i singautim paps Kanage i go long rum na soim em ol peket bilong kondom. Mama i tok; em wanem samting ya?" Taim Kanage i lukim ol peket, em i kirap nogut tru na em i tokim mama isi tasol: " eee, mada, noken tokim ol mangi long bung ol i bin givim mipela olgeta. Na ai bilong ol planti man na mi sem long tok nogat. Olsem na mi kisim tasol na pulimapim long poket. But, that is for your safety and my safety only". Em wei bilong paps Kanage long saitim tok.

By Phanda, Apo Kantri.

## PEN PREN PEN PREN PEN PREN PEN PREN

**NEM:** Philipi Jonathan Hiwaye

**KRISMAS:** 19 (man)

**ADRES:** C/O New Tribes Mission, P.O.Box 1079, Goroka EHP

**SAVE LAIKIM:** Pilai soka, mekim pani, raun long bus, painim pis, raitim pas na lukim nupela ples

**NEM:** Yasling Noeno

**KRISMAS:** 18 (man)

**ADRES:** Kotidanga Primary School, P.O. Box 117, Kerema, Gulf Provins

**SAVE LAIKIM:** Pilai volibal, stori, painim abus long bus, harim musik, go Lotu na ridim buk.

**NEM:** Boldon Suko

**KRISMAS:** 23 (man)

**ADRES:** Kilipau Village, P.O.Box 96 Vanimo Sandaun Provins

**SAVE LAIKIM:** Pilai volibal, pilai soka, raitim pas na senisim presen.

**NEM:** Benard Wai

**KRISMAS:** 22 (man)

**ADRES:** Kilipau Village, P.O.Box 96 Vanimo Sandaun Provins

**SAVE LAIKIM:** Pilai Soka, senisim presen, raitim pas na mekim pren (Painim meri long maritim)

**NEM:** Ben Iwi

**KRISMAS:** 27 (man)

**ADRES:** Kilipau Village, P.O.Box 96 Vanimo Sandaun Provins

**SAVE LAIKIM:** Pilai soka, volibal, raitim pas na senisim presen.

**NEM:** Belden Wangu

**KRISMAS:** 20 (man)

**ADRES:** Kilipau Village, P.O.Box 96 Vanimo Sandaun Provins

**SAVE LAIKIM:** Senisim presen, raitim pas, harim musik, mekim pren.

**NEM:** Augustine Pinu

**KRISMAS:** 18 (man)

**ADRES:** Kilipau Village, P.O.Box 96 Vanimo Sandaun Provins

**SAVE LAIKIM:** Raitim Pas, harim musik, senisim prensen na pilai soka.

**NEM:** Sheena Dogbatse

**KRISMAS:** 26 (meri)

**ADRES:** U.C.C. Cape Yars, P.O. Box UC- 340 U.C.C central/ Reg, Ghana West Africa. Phn: 00233 - 2750 - 82973

**SAVE LAIKIM:** Mekim Pren, senisim presen, go lotu, raun na painim haus man long maritim na stap gut oltaim.

**NEM:** Paul Telape

**KRISMAS:** 20 (man)

**ADRES:** The University of Papua New Guinea, Mt Hagen open Campus, P.O. Box 90, Mt Hagen Western Highlands Provins

**SAVE LAIKIM:** Pilai ragbi, basketbol, volibal, stori long tumbuna na pani stori, pilai gita na arapela musik, go lotu na mekim pani.

**NEM:** Monita Raio

**KRISMAS:** 21 (meri)

**ADRES:** Lae Ever Clean, P.O. Box 167 Konedobu, NCD.

**SAVE LAIKIM:** Go Lotu, raitim leta, harim musik, pilai bal gem, swim, wokim gaden, singsing, kuing, wasim klos, pilai gita, mekim pren, sea, lukautim ol samting long haus na stretim ol klos.



# WANTOK Komentri rivi

## Krismas i taim bilong tingim Betde bilong Jisas na amamas wantaim famili

KRISMAS i taim bilong kisim bel isi na amamas wantaim famili na wan pisin bilong mipela.

Olsem planti ol opis na lidaman i tok long Krismas toktok bilong ol, Krismas i taim bilong tingim Betde bilong Ridima bilong mipela, Jisas Krai.

Opis bilong ol Katolik bisop ol i tok Krismas i taim God i kamap man.

Nem Imanuel i min God i stap wantaim yumi," (Mat 1:23).

Krismas i taim mipela i mas luksave long wanem samting God i toktok long mipela olsem wanpela kantri long 2010 Krismas.

Long Krismas mipela i tingim tok bilong bipo, wanpela pikinini i kamap, pikinini man na gavman bai stap long sol bilong em.

Yes em tru long dispela tok, "Ol bai kolim gutpela, saveman, bikpela God, papa bilong stap oltaim, na prins bilong bel isi," Asaia 9:6.

Na Yunaited Sios Mod-ereta Reveren Samson Lowa long tok bilong em i tok taim mipela i paul na wari mipela i ting wari na bel hevi bilong mipela bai i no inap pinis.

Tasol mipela i ken lukim dispela tok na kisim strong

long em: "God i stap wantaim yumi," na olsem i lukautim mipela.

Em i tok, "Kolim nem bilong mi long prea na bai mi bekim yu.

Krismas i taim yumi mas save yumi gat hop.

Long amamasim Krismas planti pilai amamas tu i kamap.

Long Jack Pidik Pak planti famili i wok long go bung wantaim, singsing na pre.

Long dispela taim tu sampela bai nogat gutpela haus long stap.

Sampela bai nogat kaikai na malolo tasol mipela i lukluk long laip bilong Jisas na Holi Famili long soim piksa bilong stap na kisim bel isi.

Long sait bilong gavman Krismas 2010 i lukim i gat ekting Gavana Jeneral, ekting Prais Minista, na Ekting Spika.

Kantri long las 35 krismas bin stap bikos manmeri i gat bilip long Jisas Krai.

Em i tok sampela taim nau hambak pasin i wok long kam insait long laip bilong mipela.

Em i tok long mipela i mas putim God i go pas, mipela i wok long lukluk long strong bilong mipela yet na putim mipela i go

pas. Tasol nau i taim mipela i mas lukluk bek na skelim wokabaut bilong mipela wantaim God.

Sapos mipela i no tingim God long wokabaut bilong mipela nau i taim mipela i tok sori na larim God i go pas long laip na wok bilong mipela long 2011.

"Mi bai soim yu planti bikpela samting we yu no save yet (Jeremiah 33:3).

Eking Prais Minista Sam Abal i tok mi pasin bilong man i bikpela tumas long dispela taim.

Bikos man i ting em i save moa na mekim samting long laik bilong em i lukim planti hevi olsem klaimet senis, hat bilong san, HIV/AIDS na ol arapela samting we em i painim hat long stretim.

Mista Abal i tok long em yet na long em olsem lidaman, yia 2010 i bin wanpela ol yia we i gat planti traim long em.

Em i tok long wol planti ol ikononi i wok long kamap gen bihain long hevi bilong mani. Planti ol bikpela kantri long wol i lukluk raun na kirap nogut na askim ol yet long wanem samting i gat asua na olgeta samting i go bagarap.

Trupela samting em olsem i nogat wanpela samting i gat asua. Ol manmeri i bihainim pasin bilong ol yet na i no laik long tingim narapela.

# Wokabaut gut long dispela Krismas



## Gutpela amamas bilong Krismas na Nu Yia i pondaun antap long yupela olgeta

Bikpela amamas bilong gutpela Krismas i go long yupela olgeta ol pipel bilong Papua Niugini na mi bilip yupela olgeta bai painim gutpela amamas long dispela krismas.

Yumi mas lukluk nau long ol gutpela samting yumi laik mekim long stretim gut sindaun na wokabaut bilong yumi long dispela taim na sapos dispela rot yumi makim i wok gut long yumi, orait ating em rot yumi ken holim na wokabaut long en i go.

Taim yumi kamap long dispela taim bilong Krismas, em yumi tingim kamap bilong Bebi Jisas mesaia bilong yumi. Em i makim taim bilong amamas bikos yumi gat dispela King i kamap long laip bilong yumi.

Tru tumas dispela ples graun em ples bilong planti hevi na yumi save painim planti salens long laip na sindaun bilong yumi. Hevi bilong kaikai, mani, sik, nogat gutpela skul, sik na planti kainkain samting we i save mekim sindaun bilong yumi hat. Tasol wanwan taim yumi save painim sampela amamas tu long laip bilong yumi.



Tasol tingim, taim yumi bungim hevi na salens, dispela i ken mekim yumi luksave long en na yumi ken stiaim wokabaut na sindaun bilong yumi long painim amamas.

Olsem na noken pondaun long hevi na larim em daunim yumi go daun. Nogat, yumi mas luksave na kirap sanap gen na wokabaut go het bikos em ol traim we yumi man bilong graun save bungim. Tasol yumi gat save na strong bilong kirap na wokabaut gen.

Krismas em taim bilong lusim ol dispela hevi na wari yumi bungim long dispela yia na kirap wokabaut long nupela rot we i ken kisim yumi go painim amamas.

Sapos yu gat wanpela bel hevi wantaim wanpela brata o susa, yumi mas go bek sindaun wantaim em na tok sori go kam na lusim hevi bilong narapela narapela Bel bilong yu ken op long gutpela kol win i kam insait na pulapim yu wantaim gutpela tingting na amamas.

Sapos yu wanpela draiva, yu mas amamas long wok bilong yu na tingim long dispela wok bilong yu i ken

strongim yu long painim gutpela amamas na sindaun. Sapos yu wanpela kapenta yum as tingim olsem tu. Sapos yu wanpela fama, yu mas strongim wok bilong yu bai kaikai bilong en inap helpim yu long painim gutpela amamas na sindaun.

Olgeta samting i gat gutpela blong en i stap tasol yumi yet i no save sindaun gut na skelim na luksave long wanem kain rot bai yumi surukim dispela wok i go het long kisim yumi go het long painim gutpela amamas long en.

Meri dispela krismas i kamap olsem taim bilong yu long painim amama na gutpela sindaun namel long ol famili na ol arapela husat i stap klostu long yu.

Tingim, bebi Jisas i kamap long rausim olgeta dispela wari na pen we i wok long hangamap long yumi stap. Olsem na yumi mas amamas na go fowet long painim dispela gutpela amamas Jisas i kisim i kam long yumi.

Bikpela meri krismas i go long yupela olgeta manmeri bilong Papua Niugini na mi bilip dispela Krismas bai i kamap gutpela loing yupela olgeta.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Meri Krismas na Hepi Niu Yia olgeta rida bilong Komentri na Wantok Sistem... Amamasim dispela bikpela de wantaim gutpela sindaun!!



# Politik lidasip bai strongim ikonomi long 2011 na go moa

**P**RAIM Minista Se Michael Somare i strongim tingting bilong ol investa long minarel na petroleum sekta olsem gavman bilong em i kamapim ol gutpela polisi long sapatim wok bilong ol.

Long taim em i opim kibung na givim toktok long Maining na Petroleum kibung long Sidni, Australia long Novemba dispela yia, Se Michael i tok wantaim gutpela kamap bilong dispela tupela sekta em i gat bikpela bilip long ikonomi bilong kantri.

Em i tok kantri i gat strong long daunim ol kain bel hevi i kamap long Bogenvil we bagarap i kamap long Panguna kopa main.

"Em i bin longpela taim, olsem foapela ten krismas i go pinis long taim mi go pas long Papua Niugini long kisim independens.

"Mipela i kisim taim nogut long hevi bilong Bogenvil.

"Em i wanpela kain taim em Bogenvil na olgeta kantri wantaim i no kisim gutpela sindaun yet bihain long dispela hevi.

"Wok i kamap yet long stretim dispela ol hevi.

Em i tok win mani long LNG projek bai daunim planti hevi i pas long sosel na ikonomik sekta long narapela 5-pela yia.

Long 2012 tripela o moa bikpela maining kampani bai kamap.

Namel long dispela em Marengo Maining \$US1 bilion (K3.3 bilion) wantaim Yandera projek na Frieda Riva projek we Xstrata na Hailans Pasifik i go pas long em wantaim mani mak bilong \$US5.3 bilion (K17.5 bilion).

"Mipela inap lukim bilong Bogenvil kopa main i opim gen wantaim kos bilong moa long \$US4 bilion (K13.2 bilion), wantaim wok maining aninit long solwara aninit long namba wan taim long wol we Nautilus bilong Kanada bai go pas long em," Se Michael i tok.

Se Michael i tok ExxonMobil i wok long tokaut long gutpela kamap bilong \$US15 bilion (K49.5 bilion) PNG LNG projek na gavman i tok orait pinis long kamap bilong namba tu LNG projek we InterOil bai go pas long em.

"Eksplorasen long wok bilong wel na ges i kamap strong na gavman i gat bilip olsem kantri bai salim moa wel na ges na dispela bai lukim tu salim bilong haidrokabon bilong mipela," Se Michael i tok.

Em i tok 2011 nesanel baset we gavman i tokaut long las mun bai helpim long strongim dispela ol wok, moa long gavman i givim sevis ol manmeri.

"Long 2012 lidasip baton bai go long nupela man.

"Mi pilim olsem ol plen gavman bai helpim gut kamap bilong



**KAMAPIM WOK:** InterOil Antelope 2 ges sait paia lait.

**O'NEIL:** Bai skelim baset bihain long wan wan mun.

maining na petroleum sekta na ol manmeri bilong Papua Niugini long bihain long taim," Se Michael i tok.

## ● Gavman kamapim K9.3 bilion 2011 Mani Plen

### MANI mak bilong 2011 Plen i stap long K9.3 bilion.

Dispela mak i gutpela long wanem wantaim kain mani olsem gavman i ken yusim long strongim ikonomi.

Em i namba wan taim tu long gavman i kamapim kain Mani Plen bihain long independens.

Dispela Mani Plen em Minista bilong Fainens na Tresari Peter O'Neil i tokaut long kibung bilong Palamen long Novemba.

Tasol ol savemanmeri i tok mak bilong mani yet i gutpela tasol i no gutpela nius long narapela sait, ol manmeri bai kisim taim nogut.

Planti manmeri bai bungim hevi long wanem prais bilong guds na sevis bai stap antap.

Inflesan o prais bilong ol guds na sevis bai stap antap na gro bilong inflesan long 2011 bai stap long 8.2 pesen.

Long helpim ol manmeri Paul Barker, Dairekta bilong Institut bilong Nesanel Afeas i tok gavman

i mas toktok wantaim Benk bilong Papua Niugini we ol i painim rot bilong mekim ol samting bai dispela i lukim prais bilong ol kaikai na sevis i kam daun.

Sapos nogat ol manmeri bai lus na ol bikpela manmeri tasol bai kisim gutpela taim.

Long 2010 Saplementari Baset na 2011 Mani Plen Barker i tok ol i gutpela.

Dispela long wanem Baset i bekim ol hevi i stap na i sut long ol bikpela samting olsem trenspot, helt na edukesen.

"Em i gutpela long gavman i mekim ol promis tasol em i mas putim mani long we maus bilong em i stap."

"Dsiepal long stretim ol rot, helt na edukesen," Barker i tok.

Tasol em i no amamas long wok bilong Distrik Sevises Impruvmen Program (DSIP).

Bihainim tingting bilong ol arapela manmeri na opis olsem Opis Rurel Developmen (ORD) Barker i ting gavman i mas kamapim kepasiti, trenim ol opisa na kamapim gut ol opis bipo long em i ranim program.

Dispela bai lukim mani i ron gut na rekot bilong mani i stap long soim olsem gavman i yusim stret mani em i plen long yusim.

## ● Fomel sekta gro gut long 2010

I NOGAT wanpela taim long histori bilong kantri we em i gat gutpela taim long gro bilong ikonomi olsem em i gat long em tude.

Stat long taim bilong independens sindaun bilong kantri i no bin gutpela.

Tasol bihain long 2002 ol samting i wok long senis.

Long dispela taim i kam nau gavman i lukim fomel sekta i gro long 50 pesen wantaim planti ol wok.

Praim Minista Se Michael Somare i mekim dispela tok long PNG Maining na Petroleum kibung long Sidni, Australia long Mande dispela wik.

"Ikonomik gro bilong dispela yia i bin stap long 7.1 pesen tasol long 2011 bai gro long 8 pesen.

Tasol maski long dispela namba bilong ol wok i kamap isi isi.

"Tasol maski, dispela i namba wan mak PNG i bin kamap long taim em i kisim independens.

"Ikonomik gro long ol yia i kam i bin kamap long olgeta sekta insait long 89 distrik.

"Dispela em bikos long mani gavman i putim bihainim Distrik

Sevises Impruvmen Program (DSIP)."

Wantaim sosio-ikonomik plening, praim minista i tok gavman wok long kamap wantaim ol gutpela plen olsem Developmen Stratejik Plen 2010 i go long 2030 na Visen 2050.

Em i tok wantaim dispela ol plen gavman bai bihain long lukim ol manmeri i kisim gutpela sindaun.

"Win mani em gavman i kisim long maining na petroleum sekta bai helpim em long bungim ol askim bilong Milenium Developmen Gol (MDG)," Se Michael i tok.

## ● Giaman pasin bagarapim wok bisnis

GIAMAN pasin bilong yusim save na samting bilong narapela man olsem bilong yu yet i save daunim wok bisnis long kantri.

Na i kamap long mak we gavman nau bai painim hat long daunim hariap.

Wanpela piksa bilong kain pasin olsem em ol su, beg o siot bilong naik (nike), adidas o Reebuk bilong ol Amerika kampani.

Dispela ol samting em ol kampani bilong narapela kantri i save hait na kisim piksa bilong dispela ol samting na putim long giaman samting olsem su o siot tru na salim olsem trupela naik, adidas o reebuk bilong Amerika.

Wantaim dispela kain pasin em narapela pasin we ol tumbuna o pilai gita singsing bilong wanpela grup o man em ol narapela manmeri bai yusim long singsing, rekot na kisim mani long em.

Dispela kain pasin em stil pasin na i agensim lo bilong Intelektuel Propeti Rait (IPR). IPR i stap bilong banisim save o samting yu mekim long tingting bilong yu na narapela manmeri i no ken kisim, paulim o stilim na yusim long kisim mani long em.

Dispela em toktok bilong Menesing Dairekta bilong Invesmen Promosen Atoriti Ivan Pomaleu long kibung bilong ol memba kantri bilong komiti bilong ol kantri husat i pait egens long dispela hevi (Intelektuel Propati Rait-IPR).

Mista Pomaleu i tok taim em i givim tok long wanpela bisnis kibung long Jiniva (Geneva) sam-pela taim i go pinis.

Em i tok dispela hevi nau i go long ol kaikai na planti ol arapela samting na i givim bikpela hevi long ol manmeri long kisim gutpela sevis long mak bilong mani ol i baim ol samting.

**Meri Krismas na Hepi Niu yia olgeta ridas bilong Wantok Niuspepa!!!**



# PNG mas groim rais bilong em yet

PNG i mas groim rais bilong em na katim daun mani em i save tromoim long baim rais na tu, pipel i mas kisim trening na save long groim rais bilong kaikaim na salim.

Grup lida bilong wanpela teknikel tim bilong Saina i gat 5-pela opisa long en i helpim pipel na ol sumatin long Hagen Teknikel Kolis long Westen Hailans em Xin Zongbao i bin tokim inap olsem 15 rais fama i bin greduet long Dipatmen bilong Agrikalsa na Laipstok long Hailans

Agrikalsa Kolis bihain long ol i bin sindaun long tupela wik kos bilong groim nan lukautim rais.

Mista Zongbao i bin tokim ol lain i greduet olsem rais i kamap olsem kaikai bilong olgeta de long ol pipel bilong PNG, na pipel i mas kisim trening long groim raius.

"Pipel i mas kisim skul na lainim ol besik rot long rais faming bai helpim ol long groim rais long family i kaikaim na tu, long salim na kisim mani long en.

PNG i mas groim rais bilong em yet na katim daun mani em i save tromoim long baim rais," Mista Zongbao i tok.

Faipela man we Mista Zongbao i go pas long en na fam menesa bilong PNG yet em Logan Pyapowa, i wok long skulim ol sumatin fama rot long planim rais, haves o rausim taim rais i redi pinis na tu, milim o rausim skin bilong en.

Long taim bilong greduesen, ol rais fama bilong Nebilyer, Baiyer, Anglimp, Hagen na Jiwaka i bin amamas nogut



DAKS: Hagen Agrikalsa Kolis ekting prinsipel i tok amamas long Wesley Mapa bilong West Nu Briten long mekim gut stret na kamap daks long 2010 setifiket long agrikalsa faming klas. Mapa I bin kamap top long menesmen stadi, krop na soil, laipstok na rurel enjiniaring.



OPIS BILONG MENESING DAIREKTA

EDVATORIAL

## OFISAL TAIM LONG OPIM NUPELA WEWAK MAKET, JETI NA POLIS STESIN

NESENEL FISERIS ATORITI (NFA) I LAIK TOKSAVE LONG OL PIPEL BILONG WEWAK NA IS SEPIK PROVINS OLSEM OFISAL TAIM BILONG OPIM NUPELA WEWAK MAKET, JETI NA POLIS STESIN EM JANUERI 20, 2011.

OL SAMTING WE I STAP WANTAIM NUPELA MAKET EM JETI NA POLIS STESIN. TAIM BILONG OPIM MAKET NA JETI I WOK LONG SENIS PLANTI TAIM BIKOS WOK LONG NUPELA POLIS STESIN I NO PINIS. TASOL NAU WOK LONG POLIS STESIN I PINIS NA MIPELA BAI OPIM NUPELA MAKET, JETI NA POLIS STESIN LONG JANUERI 20, 2011.

PRAIM MINISTA BILONG PAPUA NIUGINI, RAIT HONORABEL, GREN SIF, SE MICHAEL THOMAS SOMARE, GCL, CH, CF, KStJ, BAI MEKIM OFISAL OPENING BILONG NUPELA WEWAK MAKET, JETI NA POLIS STESIN.

MI LAIK KISIM DISPELA TAIM LONG TOK SORI I GO LONG OLGETA LAIN HUSAT I WOK LONG REDIM OL SAMTING BILONG OPIM NUPELA MAKET NA PLANTI HATWOK I GO NATING TAIM SENIS I KAMAP LONG TAIM BILONG OPIM. TASOL MIPELA I REDI NAU LONG GO HET WANTAIM SEREMONI LONG OPIM OL DISPELA SAMTING LONG JANUERI 20, 2011.

PAPA GOD LONG HEVEN I KEN BLESIM YUPELA OLGETA INSAIT LONG DISPELA GUTPELA SISEN BILONG KRISMAS NA YUPELA OLGETA I KEN GAT GUTPELA NIU YIA 2011.

TENKYU TRU.

**SYLVESTER B. POKAJAM.**  
MENESING DAIREKTA

21ST DISEMBA 2010

tru taim ol i kisim setifiket bilong ol na ol pikinini rais, ol buk i gat ol stia long bihainim long plainim, rausim na klinim rais na ol samting bilong yusim long rausim na bungim rais long en.

Namel long ol lain i greduet, i bin gat wanpela aipas meri husat i bin mekim gut long trening skul bilong em.

Nem bilong en em Elizabeth Mapu, bilong ples Kuta long Hagen Distrik long Westen Hailans provins yet.

Tai mol bin singautim nem bilong em long kisim setifiket pepa bilong en, em no bin wokabout hariap i go antap long stes we ol bikman i sindaun long em.

Em bin holim stik na wokabout isi stret taim pikinini man bilong em i sapotim em. Tasol em bin gat bikpela smail long pes bilong em.

Misis Mapu em mama bilong 7-pela pikinini i bikpela pinis em i aipas.

Olgeta bikman long stes i bin stap isi stret na taim em i go antap na kisim setifiket bilong em, bikpela han na tok amamas i bin go long en.

Misis Mapu husat i bin pinisim skul long Gret 10 na kamap wanpela skul tisa i no bin aipas inap em bin stap long wanpela birua na kamap aipas.

Taim em i kisim birua bilong aipas, Misis Mapu i bin go long spesel skul bilong ol aipas long Maun Sios Aipas skul long Goroka. Nau em i wok wantaim Westen Hailans Provinseel Disebel

Asosiesen.

Mista Zongbao, Mista Pyapowa na Hagen Agrikalsa Kolis, Philip Senat i bin tok amamas long Misis Mapu i wokim gut tru long trening kos na tok dispela em blessing.

Komitmen na laik bilong em long lainim moa long groim rais, maski em i aipas i bikpela na ol bikman na ol narapela wanskul bilong em i bin tok dispela em samting ol narapela i ken kisim skul long en.

Em bin laik lainim moa na mekim ol fil wok olsem hap long tupela wik trening bilong em.

Mista Senat i tok Misis Mapu i no ting o pilim narakain long ol narapela pipel o dispela i stopim em long mekim ol samting bikos em i aipas, nogat. Em i save mekim wok olsem ol narapela olgeta de.

Long trening em i kisim long groim rais, Mista Zongbao na Mista Pyapowa i tok Misis Mapu bai lainim ol pikinini bilong em long samting ol i mas mekim long fil.

Mista Zongbao i bin tokim ol lain i greduet olsem rais i kamap olsem olgeta de kaikai long olgeta haus long PNGna pipel i mas lainim long grot bilong groim rais long olgeta eria.s

Tim bilong Saina i stat long kliarim graun insait long kolis long planim rais long ol wik i kam.







# Putim mak long Komonwelt gems na wol

Andrew Molen i raitim



**RON: Wisil i go long fainols bilong ol meri na pinis long namba 5 ples. POTO: PNGSFOC.**

Wanpela em long ragbi sevens we PNG i winim boul trofi taim ol i daunim Canada long fainols.

Dispela i bin namba wan taim tru bilong sevens i kamap long Komonwelt Gems na i gutpela long lukim PNG i putim mak long gem long dispela level.

Em i no wanpela isi gem bilong wanem Canada em i bikpela kantri we ragbi yunion i bikpela moa long hia.

Na long etletiks, dispela i bin namba wan taim tru bilong lukim ol PNG rana i go insait long ol fainols.

Toea Wisil i winim ol resis bilong em na i go insait long fainols bilong 100m na



**WIN: Pini tasol i winim wanpela medol bilong PNG. POTO: PNGSFOC.**

200m resis we em i pinis long namba 4 na 5 ples.

Nelson Stone i mekim wankain long resis bilong ol man.

Tupela i soim olsem PNG i nap long ron wankain olsem ol etlit bilong ol arapela kantri tu sapos ol i gat ol gutpela ples na samting bilong trening wantaim helpim bilong ol gutpela trena na kosa.

Long weitlifting bilong ol man, Steven

Kari pinis long namba 4 ples long divisen bilong ol man.

Em i kam klostu tru long kisim wanpela medol na nau em i tingting strong long apim level bilong gem bilong em na mekim gut moa long Pasifik Gems long Nu Kaledonia long 2011 na tu long Olimpik Gems long 2012.

PNG i winim wanpela medol tasol long dispela tonamen tasol em i wanpela Komonwelt Gems we i soim PNG i kam antap tru.

Wanwan etlit, trena, kosa, edministreta na ol arapela manmeri tu i mas givim gutpela sapot long tim bilong wanem dispela kain ol gutpela mak i soim olsem tim i ken i go moa yet.

Dispela yia i putim PNG olsem wanpela strongpela kantri long resis insait long spots long kain level olsem Komonwelt Gems olsem na PNG tu mas bekim wantaim planti moa strongpela pilai na resis long apim em i go moa yet long 2011 na ol yia i kam.

## Lukluk bek long ol bikpela samting long spots

SAPOS yu lukluk i go bek dispela yia bai yu lukim olsem planti samting tru i kamap long sait bilong spots.

Yes, planti samting i kamap tasol sampela i kamap insait long kantri yet na ol arapela i kamap long outsait.

Dispela olgeta samting i pulim ai na tingting bilong ol manmeri husat i save bihainim wanwan bilong dispela ol spots.

Long ol samting we i no kamap gut tumas, ol pablik i singaut long ol lain husat i go pas long ronim na redim ol tim husat i go long dispela ol tonamen.

Mi bai toktok nau long sampela ol bikpela pilai dispela yia we planti manmeri long ol komyuniti wok long toktok strong long en dispela yia.

### Salens bilong Komonwelt Gems

Wanpela bikpela pilai PNG tim i go long en dispela yia em 19 Komonwelt Gems we i kamap long Delhi, India.

Planti toktok i kamap long dispela taim long pilai bilong ol PNG pi-laia long dispela tonamen bilong wanem planti ol liklik Pasifik kantri wok long winim planti moa medol long PNG.

Wanwan manmeri luksave long dispela na i toktok long pablik long pilai bilong PNG tim.

Sampela i toktok long ol lain i go pas long kamapim na redim ol tim husat i go long dispela ol gem.

Ol i tok dispela ol lida i no luksave long hevi bilong kain bikpela tonamen na i no redim gut tim bilong ol.

Sampela manmeri tok olsem tim i no lainim yet long ol lus na hevi ol i bungim bipo na mekim gut nau, ol it ok tim i mekim wankain ol asua gen olsem na ol i wok long lus yet.

Ol i tok sampela ol liklik Pasifik kantri i save lus bipo tasol nau ol i lainim ol asua bilong ol na i save winim planti moa medol long PNG. PNG wok long lus yet na i no save winim wanpela medol bilong wanem ol i wok long mekim wankain pasin yet bilong bipo.

### Hevi bilong Kumuls

Narapela bikpela intanesenel spots tonamen we i kamap dispela yia we PNG stap insait long en tu em 4 Nesens ragbi lig salens we i kamap long Australia na Nu Silan.

Pilai bilong PNG Kumuls long dispela tonamen i bin nogut moa long 2008 taim ol i bin go long ragbi lig wol kap long Australia.

Planti toktok i kamap long pablik na long nius long pilai bilong ol Kumuls long dispela tonamen.

Gem bilong ol i bin bagarap taim wol kap kosa Adrian Lam i lusim wok bilong em na bipo Kumul faiv eit, Stanley Gene i kisim ples bilong em.

Dispela i no kamap gut na ol Kumuls i lusim tripela gem bilong ol wantaim long bikpela skoa stret we i nogut moa long taim ol i bin pilai long wol kap.

Pablik i laik bai dispela ol lain i stap long opis bilong ronim ragbi lig long PNG nau i mas lusim na ol nupela lain wantaim gutpela save na tingting i mas kisim ples bai ol i ken apim nem bilong ol Kumuls na tu gem long PNG gen.

Planti singaut long Lam i mas kam bek na ol selekta nau i mas lukluk gut long ol pilaia bipo ol i kisim ol i go insait long skwat.

Sampela toktok i kamap olsem ol pilaia bilong tim i mask am long olgeta hap long PNG na i no long wanpela ples o rijen insait long kantri tasol.

Hevi bin kamap tu long ol lain i ronim edministresen wok bilong PNG Ragbi lig, wanpela grup i bin stap aninit long Albert Veratau na narapela i bihain Gary Juffa.

Dispela hevi wok long kamap na i no bin i gat inap taim long ol i mekim gutpela seleksen na redim gutpela tim bilong go makim kantri.

Lam i lukim dispela na i no laikim olsem na em i risain olsem kosa bilong wanem em i save olsem ol bai no inap pilai gut sapos ol i go long 4 Nesens resis.

Strongpela toktok i kamap tu olsem dispela ol lain i mas stretim hevi bilong ol na tingting tasol long ron bilong ragbi lig na ol pilaia na ol i noken tingting long sidaun bilong ol yet.

### Nupela Sekreteri Jenerel

Long narapela spots wok, yangpela spots edministreta, Auvita Rapilla i kisim ples bilong Se John Dawanicura olsem sekreteri jenerel bilong PNG Sports Federation and Olympic Committee (PNGSFOC) long Novemba dispela yia.

Se John i bin mekim dispela wok i nap 29 yia olgeta we i mekim i kamap olsem laip bilong em.

Dispela senis i kamap nau long redi long 2015 Pasifik gems bilong wanem ol manmeri laikim nupela, yangpela man o meri long kisim dispela wok na wokbung gut wantaim ol wanwan nesenenel fed-eresen.

Ol manmeri bilip dispela senis em i gutpela bilong ol yangpela spotsmanmeri husat i wok long kamap, bai ol i ken redi gut tu bilong ol bikpela pilai kamap bihain.

### Nogat mani yet

Tasol bikpela hevi nau bilong ol arapela wok redi bilong dispela 2015 Pasifik gems em, Gavman i no givim mani bilong mekim dispela wok, insait long 2010 nesenenel baset.

Dispela i mekim na Eksekutiv Dairekta bilong PNG Sports Foundation (PNGSF), lammo Launa i tokaut long bel hevi bilong em long dispela insait long midia.

PNG i winim tok orait long 2009 long holim 2015 Pasifik Gems tasol nau yet i nogat wanpela wok redi kamap yet.

Wanpela yia i go pinis nating nau na 4-pela i stap yet, Spots Min-ista, Philemon Embel i tok em bai putim mani yet bai ol wok i ken kamap hariap bipo long gem i stat.

Tasol em i no tok long wanem taim tru dispela ol mani bai redi em yumi no save.

Orait, mi laik tok amamas long yupela husat i save ridim dispela niuspepa olgeta wik na bai yumi bung long hia gen long 2011 wantaim planti moa toktok long sait bilong spots.

## bemobile is bringing your home province closer to you

Text your region to 1999 for your daily updates

Valued over  
**K2,000**

PLUS, go into the draw to win an HTC Diamond 2 & **200 mins talk time, bemobile to bemobile only**

- for Momase - MOM
- for New Guinea Islands - NGI
- for Highlands - HIG
- for Southern - SOU

cost of SMS 0.89t Terms and Conditions apply



# Meauri rausim PNG rekot long Dubai



REKOT: Meauri bin stap long gutpela fom long Dubai las wik. FOTO: TEAM PNG

JUDITH Meauri putim nupela Sinia PNG rekot bilong 100 mita bataflai swim resis las wik Fonde long namba 10 FINA sot kos swim resis long Dubai.

Meauri stopim taim long 1:11.21 we i abrusim olupela rekot Beryl Madouna i bin putim long 1991 wantaim 1:14.04.

Em i bin resis wantaim ol swima bilong Fiji, Seychelles, Peru, Mauritius na Kenya we i bin wanpela strongpela resis na em i amamas long kisim dispela mak.

Gutpela fom bilong Meauri long dispela tonamen i lukim em i putim tripela nupela namba wan taim bilong em yet (pesenel best) tu.

Wanpela bilong dispela em long namba wan resis bilong em long 100 mita fri stail bilong ol meri we em i putim 1:01.18 agensim Madagascar, Gibraltar Mauritius, Macau (Saina) na Namibia.

Narapela pesenel best bilong em i kam long 50 mita bataflai we em i pinisim insait long 31.13 sekens agensim Kenya, Guam, Zambia, Fiji, Pakistan na Guyana.

Amamas na strong bilong dispela ol gutpela resis i mekim Meauri pul

strong yet we i lukim em i putim nara-pela pesenel best gen taim em i swim insait long 100m bataflai wantaim 28.23 sekens.

Presiden bilong PNG Swimming Inc (PNGSI), Elizabeth Wells i tok dispela i wanpela gutpela resis tru bilong Meauri.

Long resis bilong ol man, Ryan Pini tu i kamapim strongpela resis bilong Papua Niugini taim em i putim 23.19 sekens long 50m fri stail resis bilong ol man.

Dispela taim em i nambawan mak bilong em long dispela yia (sisen best) we i bin olsem em i abrusim taim bilong em long Komonwelt Gems long Oktoba tu.

Em i resis wantaim ol swima bilong Filipins, Norway, Cyprus, Serbia, United Arab Emirates na Canada we i mekim resis i strong tu.

Wankain salens i bin kam long Malta, Kuwait, Hong Kong, Zimbabwe, Macedonia na Mauritius tu taim Pini go insait long 100m fri stail bilong ol man na i pinisim resis wantaim 50.19 sekens.

Wells i tok amamas long gutpela pilai bilong tupela na bai bungim long ol Mande taim ol i kam bek.

## PNG ken mekim gut long ragbi sevens

i kam long pes 28

Mi bilip i gat planti ol gutpela pilai i stap long hia na mi amamas tru long kam wok wantaim ol olsem kosa bilong ol," Howarth i tok.

"Sapos mi no bilip long dispela em bai mi no inap stap long hia nau," em i tok.

Howarth i tok PNG em i hap bilong Pasifik olsem Nu Silan, Fiji, Tonga na Samoa olsem na em tu i ken mekim gut long dispela spot olsem ol dispela Pasifik kantri.

"PNG em i wankain tasol olsem Fiji, Tonga, Nu Silan na Samoa na sapos ol i ken mekim gut long dispela spot em PNG tu i nap long mekim na mi gat bilip long dispela," Howarth i tok.

Em i bin mekim dispela ol toktok bipo long stat bilong Nesenel Ragbi sevens sempionsip we i bin kamap long Kokopo.

Presiden bilong PNG Rugby Football Union (PNGRFU), Richard Sapias i tok dispela em i namba wan taim ol i kisim dispela tonamen i go long hap bilong wanem ol i luksave olsem sevens i save kamap strong long ol Niugini ailan.

"I gat planti gutpela sevens pilai i save kamap long ol Niugini ailans olsem na dispela tonamen i ken givim luksave long planti moa we mipela i ken kisim na trenim," Sapias i tok.

Em i tok ol bai lukluk moa long ragbi sevens nau bilong wanem ol i bilip PNG i ken mekim gut long en na bai winim moa luksave long kantri insait long dispela spot.

Dispela i kamap bihain long gutpela pilai bilong PNG ragbi sevens tim dispela yia long Darwin Sevens resis na tu long Komonwelt Gems long India.

Ol i bin pinis namba 5 ples long Darwin na i bin winim Canada long kisim trofi long fainol bilong boul resis long Komonwelt gems.

Tim i kwalifai tu long go long Wellington Sevens long Nu Silan long 2011.

Dispela ol gutpela mak i winim tu sapot bilong SP Brewery olsem mama sponsa bilong tim i nap wanpela moa yia.

"Mipela i amamas long gutpela pilai bilong tim dispela yia na mipela i laik sapotim tu ragbi sevens we mipela i bilip PNG i ken kamap strong long en," Jenerel Menesa bilong SP Brewryc, Stan Joyce i tok taim em i givim K250, 000 sek mani long PNGRFU long Disemba 7.

Howarth i tok dua bilong em bai no inap pas long kisim ol nupela pilai i kam insait long tim.

"Husat i mekim gut long ol tonamen bai kam insait long tim olgeta taim," em i tok.



## Pro boksing bai op long Jenuari

OLGETA promota, paitman, kosa, trena, menesa, ol refri na jas tu i mas aplai long kisim laisens bilong Profesenol boksing nau.

Dispela em bilong wanem Profesenol Boksing bai op ken bihain long Jenuari 17, 2010 taim olgeta wok redi bilong ronim gem i pinis.

Professional Boxing Control Board (PBCB) i tokaut dispela wik olsem ol i redi nau long ronim ol pait gen tasol nau ol bai mekim stret.

Olgeta manmeri husat i gat wok o stap insait long dispela spot i mas kisim laisens bilong wanem Bod bai ronim gut gem nau bihain lo bilong profesenol boksing stret.

I gat 5-pela laisens

bilong kisim;

Promota laisens (K1, 000 long wanpela yia), Menesa (K200 long wanpela yia), Kosa na trena (K150 long wanpela yia), refri na jas (K50 long wanpela yia) na pait man (boksa) em K100 long olgeta 6-pela mun.

Ol lain husat i laik kisim dispela ol laisens i ken ringim Sekreteri bilong PBCB long 7210 1001.

"Husat i nogat dispela laisens i brukim lo," Siaman bilong PBCB, Bernard Fong i tok long wanpela stetmen pepa.

Em i tok tu olsem stat long 2011 na i go, ol taitol pait bai kamap olgeta Novemba long givim namba long ol paitman long olgeta divisen.

"Dispela bai helpim ol promota

long lluksave long ol paitman na painim ol pait bilong ol long PNG na ovasis wantaim," Fong i tok.

PBCB i kisim opis long Novemba 10 dispela yia wantaim astingting bilong lukautim na ronim gut profesenol boksing long PNG.

Dispela bod i kamap bihain long wanpela Profesenol boksa bilong Manus i dai long 2009 taim i no bin i gat kain Bod i stap long lukautim ron bilong ol pait.

Spots ministra i saspensim ol putim tambu long profesenol boksing i kamap i nap kain bod i kamap.

Olgeta samting i redi nau na Jenuari 17, 2011 em det Minista bai rausim dispela saspensin na ol pait i ken kamap gen.





# Howarth bilip long ol pilaia

## PNG ken mekim gut long ragbi sevens

Andrew Molen i raitim

SHANE Howarth bai no inap stap long hia tete sapos em i nogat bilip long dispela kantri na ol pilaia bilong en. Em i stap olsem nesenel kosa bilong Papua Niugini ragbi sevens tim klostu long tupela yia nau na i tok em i lukim planti gutpela samting insait long ol pilaia na ol arapela em i wokbung wantaim.

"Yupela i gat sampela ol gutpela pilaia tru tasol i nogat gutpela trening na ol tonamen long givim gut luksave long ol save na strong bilong ol long dispela gem," Howarth i tok.

Bipo sevens pilaia na asisten

kosa bilong tim, Willie Rikis i tok Howarth i kisim sampela nupela stail bilong trening i kam long tim.

"Em i skulim mipela long sait bilong tingting na pilai na tu long pilai olsem wangepela tim. "Mipela i lainim tu long yusim ol spit bilong mipela bilong wanem i gat planti spitman i stap long tim," Rikis i tok.

Howarth i save amamas long wokbung wantaim ol PNG pilaia na trena olsem Rikis bilong wanem ol i save harim tok na mekim samting isi long mekim.

"Ol pilaia i save laik lainim samting na taim mi toktok ol i save harim gut tru, dispela i mekim mi amamas long trenim ol.

"Long ol arapela kantri na tim, em i no olsem bilong wanem

sampela i save soim olsem ol i save pinis na mi save painim hat long skulim ol gen," Howarth i tok.

Em i amamas tu long ol trena olsem Rikis na Keith Puaria husat i save helpim em gut tru.

"Dispela ol lain i save mekim wok bilong mi isi na mi amamas long helpim PNG traim na kamap olsem wangepela nambawan ragbi sevens kantri," Howarth i tok.

Em i tok PNG i ken kamap olsem wangepela biknem kantri long dispela spot sapos ol i lukluk moa long trenim na ronim ol pilaia bilong ol insait long planti gutpela na bikpela tonamen long redim ol gut moa.

Moa long Pes 35.

TOKTOK: Howarth i toktok long PNG sevens tim long hap talm bilong wangepela gem bilong ol long Komonwelt Gems dispela yla.

**33** Lukluk bek long ol bikpela samting long spots

**34** Spots Rivyu: PNG putim mak long wol long 2010.

**35** Pro-boksing bai redi long Jenuari

POTO: TEAM PNG.

overlander 4WD OF THE YEAR AWARDED TO TRITON GLX-R 4X4 THE FIRST UTE TO WIN THIS AWARD



# L200 4X4 DIESEL

### 2.5 litre hi powa turbo disel

- DRAIVA NA PASINIA AIRBAGS
- 16" ALLOYS
- SUPA SELECT 4WD
- 5 SPID MANUAL
- MULTI FUNCTION DISPLAY WANTAIM TRIP COMPUTA
- ABS WANTAIM EBD

## BOROKO MOTORS

**HEAD OFFICE**  
PORT MORESBY PO Box 1259,  
Boroko Cnr Waigani Drive &  
Cameron Road, Gordons.  
Ph: 325 5111 Fax: 325 5301

**BRANCHES**  
PORT MORESBY 325 5255  
LAE 472 1144  
MTHAGEN 542 1933  
TABUBIL 649 9048

RABAUL 982 8193  
MADANG 422 2659  
KIMBE 983 5035  
GOROKA 532 3552

**EMAIL & WEBSITE**  
info@borokomotors.com.pg  
www.boroko-motors.com

